

四庫全書

史部

欽定四庫全書

大事記續編卷二十四

明 王禕 撰

晉世祖武皇帝泰始元年

吳歸命侯  
甘露元年

解題曰論三國之正統者以魏受漢禪則推而屬之  
魏以蜀為漢裔則推而屬之蜀以其莫相統一故以  
無統之例書之以及晉武既受魏禪而蜀漢亦以前  
年亡於是天下之統復合故自泰始元年復大書之  
明正統也

春三月吳聘魏

以通鑑修

夏四月吳改元

以吳志修

解題曰宋庠紀年通譜甘露漢宣魏高貴鄉公年號

蔣陵甘露降故改元

五月魏晉王昭用天子冕旒旌旗

以魏志修

秋七月吳弑景

皇后尋殺其二子

吳志

八月辛卯魏晉王昭薨太子炎嗣

位

魏志

冬吳徙都武昌

吳志

解題曰按諸葛恪嘗治武昌宮杜預亦慮孫皓怖而生計徙都武昌聚大舩於夏口則皓之徙都未為失

計當時謀國如陸抗乃不及此何耶然人心之去吳已甚縱得地利亦豈足恃哉事見通鑑

十二月丙寅魏晉王炎自即皇帝位改元國號晉丁卯

廢魏主為陳留王遷之于鄴

以本紀修

解題曰

按劉義叟長曆置閏在十二月則前十二月不應有丙寅考之魏志本紀閏九月則十二

月乃長曆之閏十二月也魏亡上距黃初之元共五帝四十六年

相臺志魏雖徙都洛陽而七廟猶在鄴及晉受魏禪奉魏帝為陳留王舍館于鄴時魏之宗室與豪猾之民四方雜處於是建安北平北鎮北將軍之號命高泰王泰高陽王桂趙王倫梁王彤河間王顥成都王

穎鎮鄴始則強幹弱枝終焉諸王席勢侵陵卒致石  
超肆凶嵇紹死難遂成元海石勒之竊據皆本乎鄴  
都所據  
之非也

追尊祖考妣已下為帝后尊太妃王氏曰皇太后

以本紀修

懲魏氏孤立之敝封叔祖父孚等二十七人為王授以

職任

以呂祖謙  
標目修

解題曰按職官志本紀王置傅友文學改太守為內

史省相及僕有郎中令中尉大農為三卿餘有差封

皇叔祖父孚為安平王叔父幹為平原王亮為扶風

王佑為東莞王駿為汝陰王彤為梁王倫為琅邪王  
弟攸為齊王鑿為樂安王機為燕王餘見通鑑葉適  
曰晉武懲創魏氏尊任宗室付授乖繆開路屠戮轉  
則數四而盜賊諸胡乘之譬如無病之人既服毒藥  
自當致死所以猶未盡亡滅者帝素寬厚未至得罪  
於民爾不然則晉之餘號安能尚存耶

以驃騎將軍石苞為大司馬太保鄭冲為太傅太尉王  
祥為太保晉國丞相何曾為太尉餘增封爵有差

以本  
紀修

戊辰詔出御府珠玉賜王公紀以本以太傅安平王孚為

太宰車騎將軍陳騫為大將軍與司徒司空凡八公紀以

志  
修

解題曰太師太傅太保則古之三公太尉司徒司空

則漢魏之所謂三公而其外又置大司馬大將軍也

太師改為太宰避諱也晉志曰八公同辰攀雲附翼

者也惟無丞相焉其後為之者非復尋常人臣之職

杜佑通典云魏吳蜀多依漢制晉氏大抵畧同今以職官志攷之太宰太傅太保司徒司空左右光祿大

夫光祿大夫開府位從公者為文官公大司馬大將軍太尉驃騎車騎衛將軍伏波撫軍都護鎮軍中軍四征四鎮龍驤典軍上軍輔國等大將軍開府位從公者為武官公特進左右光祿大夫光祿大夫錄尚書事尚書令僕射列曹尚書左右丞尚書郎三十五曹侍中給事黃門侍郎散騎常侍給事中通直散騎常侍員外散騎常侍散騎侍郎奉朝請中書監令中書侍郎中書舍人通事舍人秘書監著作郎佐郎太常光祿勳衛尉太僕廷尉大鴻臚宗正大司農少府將作大匠大后三卿大長秋皆為列卿自少府已上皆有屬官御史中丞殿中侍御史治書侍御史之屬司隸校尉謁者僕射都水使者中領軍護軍將軍左右衛將軍驍騎遊擊將軍左右前後軍將軍屯騎步兵越騎長水射聲校尉太子太傅少傅詹事中庶子中舍人庶子舍人洗馬家令僕左右衛率王置傅友郎中令中尉大農之屬州置刺史別駕郡縣置守令



四中郎將或領刺  
史或持節為之

赦王凌鄧艾家除魏宗室禁錮罷將吏質任以本紀修初置

諫官

以本紀修

侍中荀勗為中書監

以列傳修

晉世祖武皇帝泰始二年

吳歸命侯寶鼎元年

春正月丁亥廟祭

七室

以本紀修

丙午立皇后楊氏

以本紀修

郊祀除五帝座

以禮樂志

修

解題曰羣臣議五帝即天地王氣時異故殊其號雖  
名有五其實一神明堂南郊宜除五帝之座五郊改

五精之號皆同稱昊天上帝各設一座而已餘見通

鑑

新唐史禮樂志禮曰以禋祀昊天上帝此天也鄭玄以為天皇大帝者北辰耀魄寶也又曰兆五帝

於四郊此五行精氣之神也鄭玄以為青帝威靈仰赤帝赤熛怒黃帝含樞紐白帝白招矩黑帝叶光紀者五天也由是有六天之說顯慶二年許敬宗等議曰六天出於緯書南郊圓丘一也而玄以為二郊及明堂本以祭天而玄皆以為祭太微五帝傳曰凡祀啓蟄而郊郊而後耕故郊祀后稷以祈農事而玄謂周祭感帝配以后稷因而祈穀皆謬論也由是盡黜玄說宋祁曰孝經曰孝莫大於嚴父嚴父莫大於配天又曰郊祀后稷以配天宗祀文王於明堂以配上帝周頌我將曰祀文王也我將我享維牛維羊維天其右之孝經言配天而后言上帝詩當言曰帝右而云天右是天為上帝上帝為天互文以見義也近孫

輿建言天雖一神以其至尊故有多名亦猶人君稱  
王皇后辟天王天子皇帝臣民曰陛下曰太官曰上  
各隨德義而稱天帝之神分王五時謂之五帝非五  
帝各一神也號昊天者以其元氣魁然乘五行上氣  
普臨萬物因時顯功人強以名故春曰青  
帝夏曰赤帝猶春為蒼天冬為玄天耳

二月除漢宗室禁錮以舉要歷三月戊戌吳遣使來吊

祭既而復絕以本紀及吳殺散騎常侍王蕃以吳秋七

月丙午晦日有食之以通

解題曰按通鑑作六月丙午晦攷之劉義叟長曆七

月丁丑朔則六月晦非丙午通鑑目錄云本志七月

丙午晦食今從之

八月吳改元

以吳傳修

解題曰宋庠紀年通譜八月所在言得大鼎故改元

帝以䟽素終喪

以紀傳修

吳陸凱萬或為左右丞相

以吳傳修

十月丙午朔日有食之

以本紀修

十一月并圓方丘於南北

郊

以呂祖謙標目修

十二月吳還都建業

以呂祖謙標目修

散騎常侍

傅玄論虛誕

以呂祖謙標目修

解題曰帝初即位廣納直言開不諱之路散騎常侍

傅玄皇甫陶共掌諫職

按晉志文帝合散騎於中常侍謂之散騎常侍掌規諫不

典事自司馬懿父子攘叔專擅諫路殆闕塞矣至是始稍還其職耳

玄上疏曰臣聞先

王之臨天下也道化隆於上清議行於下近者魏武

好法術而天下貴刑名魏文慕通達而天下賤守節

其後綱維不攝而虛無放誕之論盈於朝野使天下

無復清議今陛下龍興受禪惟未舉清遠有禮之臣

以敦風節未退虛鄙以懲不恪臣是以猶敢有言詔

報使玄草詔進之玄復上疏曰臣聞舜舉五臣無為

而化用人得其要也典謨曰無曠庶官諸有疾病滿  
百日不差宜令去職臣不廢職於朝國無曠官之累  
臣聞先王分士農工商以經國制事各一其業而殊  
其務自士以上子弟為之立學校以教之選明師以  
訓之各隨其才而用之農以豐其食工以足其器商  
賈以通其貨故雖天下之大無有一人游手漢魏不  
定其分百官子弟不脩經藝而務交游未知蒞事而  
坐享天祿農工之業多廢或逐淫利而離其事今散

官衆而學校未設游手多而親農者少工器不盡其  
宜臣以為亟定其制通計天下若干人為士足以副在  
官之吏若干人為農三年足有一年之儲若干人為  
工足其器用若干人為商賈足以通貨而已前皇甫  
陶上事今文武之官既衆而拜賜不在職者人多加  
以服役為兵不得耕稼當農者之半南面食祿者參  
倍於前使冗散之官農而收其租稅家其實而天下  
之穀可以無乏矣計文武之官足為副貳者使學餘

皆歸之於農若百工商賈有長者亦歸之農務農若此何有不贍乎

晉世祖武皇帝泰始三年

吳歸命侯寶鼎二年

春正月丁卯立子

衷為皇太子下詔不赦

以本紀修

解題曰葉適曰武帝時大議論惠帝定嗣一也賈后為冢婦二也賈充荀勗進退三也齊王攸去留四也晉之治亂雖在此四者然不過一本昔周子有兄而無慧不能辨菽麥故不可立惠之無慧帝自知之而



終不決者恃愍懷爾又明見克女不可然竟納為婦  
以成愍懷之酷實勗輩彌縫其間末年恐攸挾衆望  
奪嫡又為逐之以速其斃原於一事之差故四事無  
不然遂至舉天下棄之惜哉事見通鑑

二月戊寅令二千石終三年喪

以本紀修

司隸校尉李熹劾

故立進令劉友前尚書山濤等占官稻田友伏誅濤等

勿問

以列傳修

以李熹為太子太傅徵捷為李密為洗馬不

至

以紀傳修

吳萬或鎮巴丘

以吳傳修

夏六月吳作昭明宮

以呂祖謙

標目  
修

解題曰按太康三年地記昭明宮方五百丈吳立云

昭明在太初之東宮苑記在東宮城前路南

秋九月甲申增吏俸

以紀  
傳修

禁星氣纖緯之學

以呂祖謙  
標目修

晉世祖武皇帝泰始四年

吳歸命侯  
寶鼎三年

春正月丙戌律令

成帝自臨講

以本  
紀修

詔河南尹杜預立考課之法不果行

以列  
傳修

丁亥帝耕籍田

以本  
紀修

解題曰是時江南未平朝廷厲精於稼穡

三月戊子皇太后王氏崩帝遵素三年

以本紀修

秋七月太山

石崩衆星流如雨而隕

以本紀修

九月大水

以本紀修

冬十月吳襲

江夏襄陽不克而還

以本紀修

交趾太守楊稷大破吳兵

以通鑑修

晉世祖武皇帝泰始五年

吳歸命侯建衡元年

春正月吳主立子

瑾為太子

以本紀修

二月分雍涼梁州置秦州以荊州刺史

胡烈為刺史鎮撫鮮卑降者

以本紀修

解題曰傅玄疏曰胡夷獸心鮮卑最甚鄧艾苟取一

時之利使鮮卑數萬散於人間此必為害之勢也胡

烈素有恩信於四方今烈往諸胡必且消弭然獸心  
難保恐胡虜東入安定西赴武威外名為降可動復  
動此二郡非烈所制則惡胡有窟穴浮游之地宜更  
置一郡於高平川因安定西州都尉募樂徙民以充  
之以通北道漸以實邊詳議此二郡及新置郡皆使

并屬秦州烈得專禦邊之宜餘見通鑑雍州統郡國

七京兆

宋京兆府  
華州之地

馮翊

同耀華丹四州  
河中府之地

扶風

鳳翔京  
兆二府

隴耀醴三  
州之地

安定

涇渭邠原四州懷德  
鎮戍德順三軍之地

北地

耀坊二  
州之地

平京北鳳翔二府醴州之地新平鳳翔府郿醴二州之地凉州統郡八金城

宋河蘭廓涼鹽五州之地西平西寧樂肅三州之地武威唐凉州之地張掖甘州之地

酒泉甘肅一州之地敦煌瓜沙西伊肅五州之地西海甘州之地西郡甘州剛丹

縣之梁州統郡八漢中宋興元府洋州之地梓潼隆慶潼川二府綿利閬巴

四州大安軍之地廣漢遂寧潼川二府漢晉二州之地新都成都府漢彭二州懷安軍之地

涪陵涪思黔三州之地巴重慶府合忠普昌五涪六州南平廣安梁山三軍之地巴西

潼川順慶二府巴渠閬達達五州廣安軍之地巴東夔萬開施忠五州梁山軍之地秦州統

郡六隴西宋熙蘭鞏西和四州之地南安鞏州之地天水秦西和二州天水軍之地

略陽

秦西和二州之地

武都

同慶府鳳階沔西和四州之地

陰平

文龍州之地

大水

以本紀修

以尚書左僕射羊祜都督荊州軍事征東大

將軍衛瓘都督青州軍事鎮東大將軍王佑都督徐州

軍事

以本紀修

解題曰為滅吳之張本也荊州統郡國二十二江夏

宋德安府隨郢復三州信陽漢陽荊門三軍之地

南郡

江陵府復州荊門軍之地

襄陽

府峽州荊順陽鄧均二州光化軍之地

義陽

襄陽府隨鄧唐三州信陽棗陽二軍

之新城

襄陽府均房二州之地

魏興

金洋均三州之地

上庸

房均金三州之地

建平

歸施夔三州大寧監之地

宜都

峽歸施三州之地也

南平

江陵府澧岳二州之地

武陵

常德府辰沅靖豐四州之地

天門

澧州之地

長沙

潭岳鄂三州之地

衡陽

寶慶常德二府衡潭二州之地

湘東

潭衡二州之地

零陵

靜江府永道全三州之地

邵陵

寶慶府靖州武岡軍之地

桂陽

柳衡二州桂陽軍之地

武昌

鄂江二州興國軍之地

安

成郡

袁吉二州臨江軍之地

南陽國

鄧唐汝三州之地

青州統郡國六

齊國

宋青州之地

濟南郡

濟南府濰萊二州之地

樂安國

濟南府濰青博三州之地

之地城陽

密沂濰萊四州之地

東萊國

登萊二州之地

長廣郡

萊鄆二州之地

州領郡國七彭城

宋徐沂二州淮陽軍之地

下邳

宿泗二州淮陽軍之地

東

莞

沂密青濰四州之地

廣陵

揚泰通真淮安五州寶應高郵二軍之地

臨淮

泗真淮安三州

招信淮陽高郵連水四軍之地

琅瑯國

沂密二州之地

巳未錄用蜀臣子孫

以呂祖謙標目修

夏四月地震

以本紀修

秋九

月有星孛于紫宮

以本紀修

冬十月吳改元

以吳傳修

解題曰宋庠紀年通譜歷家以斗杓衡所建為四時

之紀疑取斯義

吳陸凱卒

以吳傳修

吳擊交趾

以吳傳修

晉世祖武皇帝泰始六年

吳歸命侯建衡二年

春正月吳萬彧還



建康

以吳傳修

夏四月吳鎮軍大將軍陸抗都督諸軍鎮樂

鄉

以吳傳修

解題曰拜抗都督信陵

宋書志孫休永安三年分宜都立信陵縣梁以巴東縣為

信陵郡

西陵

今峽州夷陵縣

夷道

峽州宜都縣

樂鄉

江陵府松滋縣東七十里瀕江

與江陵縣境接

公安諸軍事治樂鄉

六月戊午胡烈討鮮卑秃髮樹機能敗死

以本紀修

解題曰南涼之先也

冬十一月立子東為王

以本紀修

吳夏口督孫秀來犇

以通鑑修

以越騎校尉馮統為左衛將軍

以列傳修

解題曰按晉宋官志領軍將軍掌內軍魏武帝置主  
五校中壘武衛等三營武帝使中軍將軍統二衛前  
後左右驍衛等七軍營罷置北軍中候永嘉改中領  
軍護軍將軍掌外軍左衛右衛二衛將軍掌宿衛營  
兵文帝初置中衛及衛武帝分為左右衛驍騎游擊  
將軍為六軍左右前後軍為四軍屯騎步兵越騎長  
水射聲等校尉為五校二衛始制前驅由基強弩為

三部司馬左衛熊渠虎賁右衛攸飛虎賁二衛各五部督其命中虎賁驍騎游擊各領之又置虎賁羽林上騎異力四部并命中為五督更制殿中將軍中郎校尉司馬陳騶有才用蜀破後令騶受諸葛亮圍陣用兵倚仗之法又甲乙校標幟之制通典魏晉江右領護各領營兵江左領軍不復別置營護軍猶有營宋領軍將軍掌內軍護軍將軍掌外軍資輕者為中領軍中護軍梁領軍將軍管天下兵要謂之禁司陳因之

晉世祖武皇帝泰始七年

吳歸命侯建衡三年

春正月匈奴右賢

王劉猛叛

以通鑑  
目錄修

解題曰按載記漢高祖以宗女為公主妻冒頓約為  
兄弟故其子孫冒姓劉氏中平中單于羗渠使子於  
扶羅將兵助漢平黃巾留漢自立為單于寇掠太原  
河東屯于河內於扶羅死弟呼厨泉立以於扶羅子  
豹為左賢王即淵本作文作  
元海之父魏武分其眾為五部  
以豹為左部帥其餘部帥皆以劉氏為之據此則匈  
奴自前漢已冒劉姓通鑑云魏武居五部於并州與

中國民雜居自謂漢氏外孫因改劉氏豈載記有未足據耶

吳主舉兵西上遇大雪而還

以吳傳修

夏四月涼州刺史牽

弘討北地叛胡胡與樹機能圍之殺弘

以本紀修

五月立子

憲為王

以本紀修

秋七月癸酉以侍中尚書令車騎將軍賈

充都督秦涼軍事既而留行

以紀傳修

解題曰先是羊祜密啓留充及是帝以語充充謝祜曰始知君長者餘見通鑑李壽曰帝憂關輔而任愷

庚純得成其去佞之謀殆天祐晉假手以除其禍亂之根也而祜排羣議削藁飛奏以留克克既留而晉無以存矣赫赫宗周褒姒滅之祜不得不執其咎也

吳平交趾以蒼梧太守陶璜為交州牧

以呂祖謙標目修

解題曰交州統郡七合浦

宋廉宜邕柳容高雷瓊鬱林九州南寧萬安吉陽三

軍之地交趾

安南都護府愛陸楊三州之地

新昌

峯州之地

武平 安南都護府峯武安

二州之地九真

愛福祿三州之地

九德

驩演愛長四州之地

日南

安南府武安州

地之

八月分益州南中四郡置寧州

以通鑑修

解題曰益州統郡八蜀

宋成都崇慶二府隆州

犍為

嘉定崇慶二府眉簡叙資隆

彭三州永康軍之地

茂彭威翼當悉靜恭八州石泉永康

二軍漢嘉

嘉定府黎雅

江陽

紹熙府瀘昌資三州朱

提叙州長寧

越

黎州雋

羊柯

黔珍靖施融思六

寧

州統郡四雲南

宋叙姚二

興古

叙雋黔三

建寧

黔叙

州長寧

永昌

叙雋姚三

冬十月丁丑朔日有食之

以本紀修

十一月劉猛寇并州

以通

修鑑

解題曰并州統郡國六大原

宋大原府遼汾二州之地

西河

平陽府汾

石三州晉寧威勝二軍之地

上黨

隆德平陽二府遼澤二海平定軍之地

鴈門

代雲朔三

州之地

新興

忻憲嵐代豐六州岢嵐寧化火山保德四軍之地

樂平

太原府遼州平定軍

地之

荀勗等請以賈克女為太子妃克復留

以呂祖謙標目修

是歲

安樂思公劉禪卒

以蜀志修

吳改明年元

以吳志修

解題曰宋庠紀年通譜吳志前年西苑言鳳凰集故



改元

晉世祖武皇帝泰始八年

吳歸命侯鳳凰元年

春正月劉猛敗死

以本紀修

夏益州殺刺史廣漢太守王濬討平之以濬為刺

史以紀傳修

秋七月以賈充為司空

以通鑑修

八月吳主徵西陵

督步闡闡據城來降

以吳傳修

冬十月辛未朔日有食之

以本

紀修

遣車騎將軍羊祜攻江陵荊州刺史楊肇迎步闡十

二月吳陸抗破肇走祜拔西陵夷闡三族

以晉紀吳傳修

解題曰抗部分諸軍赴西陵勅軍營更築嚴圍自赤

谿

潤三十丈出夷陵東北西南入江

故市

亦名古城在內以峽州夷陵縣

圍闌外以禦寇晝夜催切如敵已至諸將咸諫曰今及三軍之銳亟以攻闌比晉救至闌必可拔何事於圍以敝亡民之力抗曰此城勢固糧足且備禦之具皆抗所宿規今反身攻之非可卒克且北救必至至而無備表裏受難何以禦之圍始合晉車騎將軍羊祜率師向江陵諸將咸以抗不宜上抗曰江陵城固兵足無所憂患假令敵得江陵必不能守所損者小

如使西陵槃結則南山羣夷擾動所慮難可言也吾  
寧棄江陵而赴西陵况江陵牢固乎初江陵平行道  
路通利抗勅江陵督張咸作大堰遏水漸漬平中以

絕寇盜

梁岳陽王譽攻江陵作十三營以逼城會大雨平地水深四尺譽棄輜重而走周顯德二

年高保融自西山分江流方五六里築堤謂之北海環城東西北三面幾五六十里祐欲因所

遏水浮舡運糧揚聲將破堰以通步軍抗聞使咸亟  
破之諸將屢諫不聽祐至當陽聞堰敗乃改舡以車  
運大費功力晉巴東監軍徐偁率水軍詣建平

今歸州

荊州刺史楊肇至西陵抗令咸固守其城公安督孫  
遵巡南岸禦祐水軍督留慮鎮西將軍朱琬拒循身

率三軍憑圍對肇餘見通鑑

羊祐傳詔祐迎闡祐率兵出江陵遣楊肇攻抗

不克有司奏祐所統八萬餘人賊衆不過三萬祐頓兵江陵使賊備得設乃遣楊肇偏軍入險兵少糧懸軍人對血皆違詔命無大臣節可免官以侯就第竟坐貶而免肇為庶人祐乃遣據險要開建五城石城以西盡為晉有自是降者不絕

是歲吳萬彧自殺左將軍留平以憂死徙大司農樓玄

尋殺之

以吳傳修

解題曰按三國志列傳武昌左部督薛瑩徵下獄陸抗上疏曰夫俊乂者國家之良寶社稷之貴資也故大司農樓玄散騎中常侍王蕃少府李勗皆當世秀穎既蒙初寵從容列位而旋受誅殛或圮族替祀或投棄荒裔蓋周禮有赦賢之辟春秋有宥善之義蕃等罪名未定大辟以加心經忠義身被極刑豈不痛哉且已死之刑固無所識至乃焚爍流漂棄之水濱惧非先王之令典也是以百姓哀聳士民同感蕃勗

永已誠望陛下赦名玄出而項聞薛瑩率見速錄瑩  
父綜納言先帝傳弼文皇及瑩承基內厲名行今之  
所坐罪在可宥臣惧有司未詳其事乞垂天恩原赦  
瑩罪餘見通鑑

羊祜與吳陸抗交歡吳數盜邊抗諫不聽

以吳傳修

晉世祖武皇帝泰始九年

吳歸命侯鳳凰二年

春吳以陸抗為大

司馬荊州牧

以吳傳修

三月立子祗為王

以本紀修

夏四月戊辰

朔日有食之

以本紀修

五月吳殺侍中韋昭

以吳傳修

秋七月丁

酉朔日有食之

以本紀修

選女備六宮權禁天下嫁娶

以本紀修

解題曰胡安國春秋狄入衛傳嘗謂河南劉奕曰班

固載諸王淫亂事盡削去可也奕曰如墻有茨桑中

諸篇仲尼何以不削乎後以問楊時時曰此載衛為

狄所滅之因也故在定之方中之前因以是攷於歷

代凡有淫亂者未有不至於殺身敗家而亡其國者

也然後知古詩垂戒之大然則晉武選女之事固五

胡亂華之本歟

事見通鑑以吳傳修

呂祖謙曰自古淫亂必名

夷狄周幽衛宣以來厯厯可數也

是歲吳殺中郎將陳聲

以吳傳修

甲晉世祖武皇帝泰始十年

吳歸命侯鳳凰三年

春正月乙未日

有食之

以通鑑修

閏月丁亥詔自今不得以妾媵為正嫡

以本

紀分幽州置平州

以本紀修

解題曰幽州統郡國七范陽

今涿易雄霸四州之地

燕國

今涿薊二

州之

北平

今經薊檀營四州之地

上谷

今媯州之地

廣寧

今媯州之地

代

今雲中路奉聖蔚儒三州之地

遼西

今平景二州之地

平州統郡國五遼東



國昌黎樂浪玄菟帶方

宋屬營州安東  
都護府之地

三月癸亥日有食之

以本  
紀修

夏吳殺章安侯奮及其子

以  
吳

傳修秋七月丙寅皇后楊氏崩

以本  
紀修

解題曰既葬帝及羣臣除喪即吉博士陳達議以為

今制所依蓋漢帝權制興於有事非禮之正皇太子

無有國事自宜終服詔更詳議尚書杜預以為古者

天子諸侯三年之喪始同齊斬既葬除服諒闇以居

心喪終制不與士庶同禮漢氏承秦天下為天子修

服三年文帝見其下不可久行而不知古制更以意制祥禫除喪即吉魏氏直以訖葬為節嗣君皆不復諒闇終制學者非之久矣然竟不推究經傳考其行事專謂王者三年之喪當以衰麻終二十五月則羣臣皆不得除喪雖志在居篤更通而不行至今世主皆從漢文輕典由處制者非其制也今皇太子與尊同體宜復古典卒哭除衰麻以諒闇終制於是尚書僕射盧欽尚書魏舒問預證據所依預云傳稱三年

之喪自天子達此謂天子絕碁唯有三年喪也非謂  
居喪衰服三年與士庶同也故周公不言高宗服喪  
三年而云諒闇三年此釋服心喪之文也叔向不譏  
景王除喪而譏其燕樂已早明既葬應除而違諒闇  
之節也喪服諸侯為天子亦斬衰豈可謂終服三年  
耶欽舒命預造議於是太子遂以厭降之議從國制  
降衰麻諒闇終制呂祖謙曰預但見春秋時制不識  
古制古者三年之喪自天子達於庶人故孟子曰古

之人皆然此謂三年之喪也

吳陸抗卒吳主使其諸子分將其兵

以吳傳修

九月作河橋

以本紀修

解題曰水經注孟津又曰富平津晉陽秋曰杜預造橋於富平津所謂造舟為梁也

是歲邵陵厲公曹芳卒

以通鑑修

晉世祖武皇帝咸寧元年

吳歸命侯天冊元年

春正月戊午朔改

元

以本紀修

吳改元

以吳傳修

解題曰宋庠紀年通譜吳郡言得銀上有年月字故

改元義取天之冊命以為瑞

吳殺中書令賀邵

以吳傳修

夏六月鮮卑拓跋力微遣子入

貢

以本紀修

秋七月甲申晦日有食之

以本紀修

冬十二月丁亥

追尊祖宗廟

以本紀修

晉世祖武皇帝咸寧二年

吳歸命侯天璽元年

夏六月吳京下督

孫楷來奔

以本紀修

吳臨平湖自開秋七月吳改元

以吳傳修

有

星孛于大角

以本紀修

吳殺郡守張詠車浚尚書熊睦

以吳傳修

八

月己亥以賈充為太尉鎮軍大將軍齊王攸為司空

以本

紀

修有星孛于大微

本紀

吳歷陽石印發改明年元

以吳冬傳修

十月以平南將軍羊祜為征南大將軍祜請伐吳賈充

荀勗等以為不可

以紀傳修

解題曰蘇轍曰晉厲公與楚爭鄭晉人知楚有可乘之隙樂武子為政欲出兵擊之范文子不欲請釋楚以為外懼武子不能用夫文子非苟自安者也厲公侈而多嬖寵諸大夫富而陵上國有大功而君臣不

相安亂之所自生也既勝反國曰亂將作矣使其祝宗祈死逾年而厲公殺三卻立胥童樂書殺胥童弑厲公文子雖死而免於大難晉武帝既受禪中原富強吳孫皓以淫虐失衆晉人習於長江之險以為未可取也羊祜陳可取之策又進王濬杜預以成滅吳之功後世皆稱其賢嘗論羊祜巧於策吳而拙於謀晉武帝之為人好善而不擇人苟安而無遠慮雖賢人滿朝而用賈充荀勗之流以為腹心使彼吳尚在人

相持而不敢肆雖為賢君可也吳亡之後荒於女色蔽於庸子疎賢臣近小人去武備崇藩國所以兆亡國之禍者不可勝數此則滅吳之所從致也孟子曰入則無法家拂士出則無敵國外患國恒亡故人常生於憂患而死於安樂祐不慮此而銳於滅吳祐之將死也武帝欲使卧護諸將祐曰滅吳不須臣自行但吳平之後當勞聖慮耳推祐此言蓋亦憂在平吳而勇於滅吳其不若范文子遠矣事見通鑑



立皇后楊氏十二月以后父鎮東將軍駿為車騎將軍

以本紀  
通鑑修

晉世祖武皇帝咸寧三年

吳歸命侯  
天紀元年

解題曰宋庠紀年通譜鄱陽言岩文理成字故改元

義取天命之紀

春正月丙子朔日有食之

以本紀修

立子裕為王

以本紀修征北

大將軍衛瓘討鮮卑力微三月平虜護軍文鴛討樹機

能並破之

以本紀  
通鑑修

夏五月戊子吳將邵顛夏祥來降

以本

紀秋七月有星孛于紫宮以通鑑修以豫州都督王渾都督

楊州軍事本

紀本

解題曰豫州統郡國十潁川

宋潁昌開封淮寧三府之地

汝南

淮寧

潁昌二府蔡陳二州之地

襄城

潁昌府汝州之地

汝陰

順昌潁昌二府亳光蔡三州之地

譙

應天府亳宿單三州之地

魯

徐州之地

弋陽

德安府光復四州之地

安豐

安慶

府光州安豐軍之地

梁

應天興仁淮寧順昌開封五府拱單曹宿亳五州之地

沛國

宿徐亳三

州之楊州統郡十八丹陽

宋建康寧國二府太平池常三州之地

宣城

寧國府太平安吉二州廣德軍之地

淮南

濠滁和廬四州安豐招信無為三軍之地

廬江

安慶

府江廬蘄三州安毗陵江鎮江平江二府常吳吳平江嘉

豐無為二軍之地州江陰軍之地三府嚴婺吳興臨安府安會稽紹興慶元東陽紹興

二州之地州之地處衢信四新安徽嚴池三臨海慶元府台處建安建

州之地州之地府信南劍二州晉安建寧府泉福汀漳南豫章隆興

邵武軍之地劍五州興化軍之地江池袁四州臨江南臨川隆興府撫信二鄱陽饒徽

康興國三軍之地州建昌軍之地撫江六州興廬陵吉撫二州臨江南康贛吉二州南

八月詔諸王皆置軍出就國以列傳通鑑修

解題曰衛將軍楊珣與中書監荀勗以齊王攸有時

望懼惠帝有後難因追故司空裴秀立五等封建之  
旨從容共陳時宜以為古者建侯所以藩衛王室今  
吳寇未殄方岳任大而諸王為帥都督封國既各不  
臣其統內於事重非宜又異姓諸將居邊宜參以親  
戚而諸王公皆在京師非扞城之義帝初未之察下  
詔議其制有司奏從諸王公更制戶邑皆中尉領兵  
其平原汝南琅琊扶風齊為大國梁趙樂安燕安平  
義陽為次國餘為小國益滿萬戶為郡公如小國王

郡侯如不滿五千戶王置一軍一千二百人自此非  
皇子不得為王而諸王之支庶亦各以土推恩受封  
大國中軍貳千人上下軍各千五百人次國上軍二  
千人下軍千人及吳平後齊王攸遂之國

立子四人為王

以本紀修

冬十二月吳襲江夏汝南

以本紀修

晉世祖武皇帝咸寧四年

吳歸命侯天紀二年

春正月庚午朔日

有食之

以本紀修

秋七月以左將軍胡奮都督江北軍事

以本紀修

紀修

大水度支尚書杜預請決兗豫諸陂以牛給民

以本紀修

祖謙標  
目修

解題曰兗州統郡國八陳留

宋開封興仁應天三府拱滑鄭三州之地濟

陽

興仁府拱漢濟單徐五州廣濟軍之地

泰山

襲慶濟南二府沂淄二州之地

濮陽

開德

府漢濟滑

高平

襲慶府濟單徐三州之地

任城

襲慶府濟州之地

東平

東都

襲慶二府漢

濟北

濟南東平襲慶三府之地

九月以太傅何曾為太宰

本紀

解題曰初曾侍宴退而告其子遵等曰國家應天受

禪創業垂統吾每宴見未嘗聞經國遠圖惟說平生

常事非貽厥孫謀之兆也及身而已後嗣其殆乎此

子孫之憂也

唐太宗答魏徵手詔人臣當進思竭誠退思補過將順其美匡救其惡以其為

治者也曾位公台名崇位重固當直辭正諫論道  
佐時乃退有後言進無廷諍以此為智不亦謬乎

吳殺中書令張尚

以吳傳修

冬十月吳人大佃皖城王渾遣

兵破之

以本紀修

十一月甲申詔毋獻竒技異服

以本紀修辛卯

以杜預為鎮南大將軍都督荊州軍事鉅平成侯羊祜

卒

以紀傳修

解題曰按沈約宋書贊山濤舉羊祜為太子太傅蓋

欲以後事委之而羊公短世餘見通鑑以祐留賈充  
之事觀之縱使其居楊駿之任亦烏能已晉之亂乎

晉世祖武皇帝咸寧五年

吳歸命侯  
天紀三年

春正月樹機能陷

涼州乙丑以司馬督馬隆為武威太守討之

以紀  
傳修齊王

攸請除匈奴左部帥任子劉淵不從會其父豹死以淵

代之

以呂祖謙  
標目修

夏四月除部曲督以下質任

以本  
紀修秋七

月有星孛于紫宮

以本  
紀修

吳廣州督將郭馬等反八月遣

兵討之

以通  
鑑修



解題曰廣州統郡十南海

宋肇慶府廣循惠潮梅新六州之地

臨賀

江靜

府賀昭廣封道五州之地

始安

靜江府昭州之地

始興

英德府連韶南雄廣四州南安軍之地

地蒼梧

肇慶德慶靜江三府新梧封高昭潯廉南思九州之地

鬱林

邕潯貴賓鬱林廉容

橫八州之地

桂林

融象柳宜賓五州之地

高涼

化高容南思四州之地

高興

南

州之地

寧浦

橫州之地

吳以軍師張悌為丞相

以鄭樵年譜修

冬十月汲郡人得竹簡

小篆古書藏之秘府

以本紀修

解題曰按杜預左氏後序云汲冢師春純集左氏傳

卜筮事上下次第及其文義皆與左傳同師春杪集

者名也

項安世曰汲冢所藏竹書紀年蓋亦古之愛奇之士私作小史纂輯聞見自為一家其起

夏后氏而訖今王亦司馬氏起皇帝訖今天子之意也其中間一節盡採左氏特以夏正改其時月耳此書既成藏之丘陵必有副在人間者意太史公父子嘗見之故其措意本末甚相似而畧相反不然則文人機軸暗合亦其常也竹書尚人正故首夏正子長尊道家故首黃帝然至其論政則止於三王且謂漢當有夏則其所見亦自相若

王濬杜預表請伐吳中書令張華贊之賈充等固爭十

一月大舉代吳賈充假黃鉞為大都督屯襄陽

以紀傳修十


二月馬隆大破樹機能斬之

以紀傳修

詔議省官吏兵

以呂祖謙

修標目



大事記續編卷二十四

欽定四庫全書

史部

大事記續編卷二十八至

詳校官檢討臣朱依昊

編修臣裴瀚覆勘

總校官編修臣倉聖脉

校對官典簿臣劉景岳

謄錄監生臣費元震

欽定四庫全書

大事記續編卷二十五

明 王禕 撰

晉世祖武皇帝太康元年春二月庚申龍驤將軍王濬等克吳西陵甲戌杜預克江陵乙亥以濬都督梁益州軍事曾克移屯項濬克武昌

解題曰項宋淮寧府項城縣古項國也王濬之克武昌也曾克遣使表曰吳未可悉定方夏江淮下濕疾疫必起宜召諸軍以為後圖雖腰斬張華不足以謝

天下華預平吳之策故克以為言中書監荀勗奏宜

如克表帝不從

餘見通鑑

陸游曰禍機亂萌伏於隱微識

者逆見而力止之王猛之於秦是也投機之會轉眄

已移而常人闇於事機私憂過計馮道之於周是也

至於賈克之沮伐吳何說哉蓋自漢之季數十年間

庸人習見南北分裂謂為故常赤壁之役以魏武之

雄而大敗塗地終身不敢南鄉克之心蓋竊料吳未

可下因為先事之言以徼後日之福而不料天下之

遂一也道不足道也若克與猛所謂差毫厘而繆千里者也

二月吳張悌與揚州刺史周浚戰死之

解題曰按列傳于寶晉紀王渾遣參軍陳慎都尉張

喬攻尋陽瀨鄉

吳太子登鎮武昌晝夜兼行到瀨鄉自門即此地也

張悌孫震

沈瑩帥衆三萬濟江圍張喬於楊荷

今和州歷陽縣北二十里

喬

衆才七千閉柵告降諸葛靚欲屠之悌曰強敵在前不宜先事其小且殺降不祥靚曰此等以救兵未至

而力少故且偽降以緩我非來伏也因其無戰心而盡坑之可以成三軍之氣若舍之而前必為後患悌不從與周浚成陣相對沈瑩領丹陽銳卒刀楯五千馳淮南軍三衝不動退引衆亂薛勝蔣班因其亂而乘之吳軍土崩將帥不能止張喬又出其後大敗吳

軍餘見通鑑

按王渾傳吳丞相張悌大將軍孫震等率衆數萬指城陽渾遣司馬孫疇揚州

刺史周浚擊破之臨陣斬二將首虜七千八百級許嵩建康實錄王渾周浚攻臨江西屯戍後主使張悌諸葛靚等督沈瑩孫震帥衆渡江逆之圍都尉張喬於楊荷與周浚等成陣相對吳軍大敗靚等收散兵



走呼悌悌不肯退為亂兵所殺二月王渾周浚等進屯橫江後主聞悌軍沒甚懼自選羽林精甲以配瑩震等屯于板橋己未王濬直指建康司馬佃率六軍濟自三山遣周浚張喬等破吳軍於板橋瑩等皆遇害按周浚張喬先破張悌沈瑩等於楊荷後又破沈瑩等於板橋故陳壽孫皓傳書王渾斬丞相張悌丹楊太守沈瑩等所在戰克通鑑取襄陽記干寶晉記所載大畧與實錄合但據本紀俱為周浚大敗吳軍於板橋獲悌震瑩等未免合兩戰為一三山在建康南二十里司馬佃濟自三山沈瑩等禦之板橋其軍既敗後主乃降

壬寅濬至石頭吳主皓降夏四月甲申封皓為歸命侯  
解題曰吳自大帝黃武元年更四主有國五十九年

自漢初平元年歲在庚午關東兵起天下大亂分為三國凡九十一年至庚子而復一皇甫謐曰三帝鼎立不足方漢之二郡以二郡之民供三帝之用斯已勤矣又况三輔流民收於蜀郡江淮商旅募為吳卒而魏武制錯役之法分離天下使人役戶各居一方其離逖轉徙之輩又何可勝言哉

乙酉改元遣使撫慰荆揚除吳苛政五月擢吳舊望將吏渡江者復十年百姓復二十年安東將軍王渾表濬

違節度有司請檻車徵濬帝弗許進渾爵為公以濬為

輔國大將軍封襄陽縣侯餘賞賜有差

以紀傳通鑑及舉要歷補遺修

解題曰成王濬之功者杜預也攘王濬之功者王渾也預於濬未就之功懸以許之渾於濬垂成之功必欲掩之人情之相遠也如此事見通鑑

秋九月庚寅賈充等請封禪弗許

以通鑑修

解題曰

事見通鑑

計有功曰晉之禍始於武帝之怠荒怠

荒故致姦諛之禍姦諛擅權故致宮闈之蠱宮闈用

事故致藩王之變外失藩垣之固而疆場亡備則遠  
夷乘隙而禍起於夷狄內有交侵之警則悍將矜功  
而禍起於權臣自武帝平吳浸淫蔓衍至隋開皇而  
天下始一侈心一動而海內分裂者三百二十四年

可不畏哉錢勰曰

晉武帝謂鄒湛曰吾平天下而不封禪焚雉頭裘以為儉也

禪以為不自滿也焚雉頭裘以為儉也行布衣禮以為孝也是數者皆區區可以自名而非天下之先務  
湛無經國之慮遽以為過漢文何不曰陛下以為不自滿不如無去州郡之武備以為儉不如無納吳宮  
人數千以為孝不如擇賢嗣而使宗廟血食幸而感  
悟則山濤之論得行州郡之兵可復則雖永寧之後

八王五胡之亂未至於一敗塗地也吳宮之人可出  
羊車之游有所則治天下之志未荒也衛瓘之言見  
察昏弱之患遂廢則晉祚靈長未可量也湛不  
知為此專為逢迎牽合之語可為長太息也

是歲以司隸所統置司州凡十九州以地理志及通鑑修

解題曰按晉地理志宋州郡志禹制九州冀兗青徐  
揚荆豫梁雍周以徐并青以梁并雍分冀為幽并漢  
立徐梁二州武帝南置交趾北置朔方改雍曰涼改  
梁曰益為十三州司隸三輔三河東京無朔方改交  
趾曰交州凡十二州司隸如故三國吳得揚荆交三

州蜀得益州魏猶得九焉并司隸言之也吳分交為  
廣魏平蜀分益為梁太康一統凡十六州後又分涼  
雍為秦荆揚為江益為寧幽為平而為二十矣凡增

置郡國二十有三

榮陽上洛頓丘臨淮東莞襄城汝  
陰長廣寧昌黎新野隨郡陰平義

陽毗陵宣城南康晉安寧  
浦始平畧陽樂平南平

省司隸置司州別立梁秦

寧平四州仍吳之廣州凡十九州

司冀兗豫荆徐揚  
青幽平并雍梁秦

涼益寧  
交廣

郡國一百七十三

今計一百七十五元作七  
十三恐誤仍吳所置二十

五仍蜀所置十三仍魏所置二  
十一仍漢舊九十三置二十二

以為冠帶之國盡有

殷周之土今按司州統郡十二河南

宋河南河陽潁昌三府鄭汝號

三州滎陽

河陽河南開封三府鄭州之地

弘農

河南府陝華號三州之地

上洛

河南

京兆二府商號二州之地

平陽

平陽河陽河中三府澤隰絳西慈四州之地

河東

河中河陽

二府陝解絳三州之地

汲

河陽府衛懷濬相四州之地

河內

河陽府懷衛二州之地

廣

平信德隆德二府洛磁二州之地

陽平

大名開德東平三府博濟二州之地

魏

大名開德

二府相磁濬三州之地

頓丘

開德大名二府之地

通典司州治洛陽

河南府

兗治廩邱

濮陽郡雷澤縣

豫治項冀治房子

趙郡縣

并治晉青

治臨淄徐治彭城荆初治襄陽後治江陵楊初治壽

春後治建業涼治武威分三輔為雍治京兆隴山之

西為秦治上邽益治成都分巴漢之地為梁治南鄭

分雲南為寧治雲南幽治涿

范陽郡  
范陽縣

遼東為平治昌

黎

安東府

交治昌編

安南府

分合浦之北為廣治番禺

詔罷州郡兵刺史不領兵山濤諫不聽

以列傳及通鑑目錄修

解題曰葉適曰漢光晉武銷兵本欲休息百姓而學

者尤以其弛備致患然則左射豸首右射騶虞禪冕

搢笏明堂耕籍此成周銷兵節次也銷兵未必非視



其君思治進德何如耳不然則後世能不忘戰者豈

少耶事見通鑑

侍御史郭欽請徙羗胡於邊不聽

以通鑑修

制戶調之式

食

貨志  
修

解題曰武帝平吳之後制戶調之式丁男之戶歲輸  
絹三匹繇三勍女及次丁男為戶者半輸邊郡或三  
分之二遠者三分之一夷人輸實戶男子人占田七  
十畝女三十畝其外丁男課田五十畝丁女二十畝

次丁男半之女則不課男年十六至六十為正丁十  
五至十三六十一至六十五為次丁十二已下六十  
六已上為老小不事其官品第一至于第九各以貴  
賤占田成帝始度百姓田取十分之一率畝稅米三  
升哀帝減田租畝收二升孝武除度田收租之制公  
王以下口稅三斛八年又增稅米口五石

慕容皝以  
牧牛給貧

家田苑中公收其八二分入私有牛而田苑中公收  
其七三分入私參軍封裕諫曰魏晉雖道消之世猶  
削百姓不至於七八持官牛田者官得六分百姓得  
四分私牛而官田者中分臣猶曰非明王之道而况

增乎甦乃令苑囿悉罷以給百姓無田業者貧老各賜牛一頭若樂取官牛墾官田者依魏晉法李雄賦男丁歲穀三斛女丁半之戶調絹不過數丈綿數兩

晉世祖武皇帝太康二年春三月詔選孫皓宮人五千

人入宮

以本紀修

冬十月鮮卑慕容涉歸寇昌黎

以通鑑修

解題曰燕之先也

是歲揚州刺史移治秣陵

以呂祖謙標目修

晉世祖武皇帝太康三年春正月丁丑朔帝親祀南郊

以禮樂志修

解題曰程迥曰周王冬至祀昊天上帝于圓丘魯侯  
啓蟄而郊以祀五方帝武帝天子也從魯人之祭之  
時非禮也

車騎司馬傅咸上書論奢侈

以列傳修

甲午出尚書張華都

督幽州軍事

以本紀呂祖謙標目修

夏四月庚午魯武公賈充薨

以本紀修

荀勗等請遣齊王攸之國冬十二月甲申以攸為

大司馬都督青州軍事汝南王亮為太尉錄尚書事領

太子太傅征東大將軍王渾光祿大夫李熹中護軍羊

琇等請留攸不聽

以紀傳呂祖  
謙標目修

解題曰渾上書曰攸於大晉姬旦之親也宜贊皇朝  
與聞政事實為腹心不貳之臣今出攸之國假以都  
督虛號而無典戒幹方之實傷至親之體虧友于之  
義懼非陛下追述先帝太后待攸之宿意也若以妃  
后外親任以朝政則有王氏傾漢之權呂產專朝之  
禍若以同姓至親則有吳楚七國逆亂之殃歷觀古  
今苟事之輕重所在無不為害也不可事事曲設疑

防慮方來之禍也若以智計猜物雖親見疑至於疏者亦何能自保乎人懷危懼非為安之理此最國家之深忌也愚以為太子太保闕宜留攸居之與汝南王亮楊珧共為保傅幹理朝事三人齊位足相持正餘見通鑑蘇轍曰渾之言天下之至言也帝不能用而用王佑之計使太子母弟秦王東都督關中楚王瑋淮南王允並守要害以強帝室然晉室之亂實成於八王如攸之親賢奪嫡之禍非其志也不幸至此

天下所宗宗社之計猶有賴也如佑之計使子弟據兵以捍外患如梁孝王之禦吳楚尚可若變從中起而使人握兵以救內難此與何進袁紹召丁原董卓以除宦官何異古人有言擇福莫若重擇禍莫若輕如帝之擇禍福可謂不審矣

晉世祖武皇帝太康四年春正月詔太常議崇錫齊王攸之物博士庾粲祭酒曹志以為攸宜輔政坐除名免

官

以通鑑修

三月辛丑朔日有食之

以本紀修

齊獻王攸薨

以本紀修

冬十一月大水

以本紀修

歸命侯孫皓卒

以呂祖謙標目修

甲辰晉世祖武皇帝太康五年春二月壬辰地震

以本紀修

十二月庚午大赦

以本紀修

閏月當陽成侯杜預卒

以本紀修

歲塞外匈奴降處之西河

以通鑑修

罷寧州入益州

以呂祖謙

標目修尚書僕射劉毅等請罷郡國中正更用土斷不果

行以列傳修

解題曰按魏晉史通典魏文帝為王時三方鼎立士

流播遷四民錯雜詳覈無所吏部尚書陳羣乃立九



品官人之法州郡皆置中正以定其選擇州郡之賢  
有識鑒者為之區別人物策其高下其武官之選俾  
護軍主之夏侯玄為中護軍太傅司馬懿問以時事  
玄議以為官人國之柄也故銓衡專於臺閣上之分  
也孝行存乎閭巷優劣任之鄉人下之叙也夫欲清  
教審選在明其分叙不使相涉而已若令中正但考  
行倫輩輩當行均斯可官矣奚必使中正平銓衡之  
機於下而執柄者有所倚仗於上哉衆職之屬各有

官長但使官長各以其屬能否獻之臺閣則據官長  
能否之策叅以鄉閭德行之次勿使偏頗中正則唯  
考其行迹勿使升降臺閣總之官長所第中正輩擬  
比隨次率而用之如其不稱則內外相叅得失有所  
矣晉制內官吏部尚書司徒左長史外官周有大中  
正郡國有小中正皆掌選舉若吏部選用必下中正  
徵其人居及父祖官名其後中正任久愛憎由已而  
法漸弊遂計官資以定品格唯以居位者為貴劉毅

上疏曰立中正定九品高下任意榮辱在手一人之身旬日異狀是以上品無寒門下品無勢族一也置州都者取州里清議所歸將以鎮異同一言議不謂一人之身了一州之才一人不審便坐之二也本立格之體為九品者謂才德有優劣倫輩有首尾今乃使優劣易地三也陛下賞善罰惡無不裁之以法獨置中正委以一國之重無賞罰之防四也前聖敦風俗隆鄉黨之義故天下之人退而脩本今一國之士

多者千數或流徙異邦或取給殊方面猶不識况盡其才五也凡所以立品設狀者求人才以理物也今於限當報雖職之高遷還附卑品無績於官而獲高叙是為抑功實而崇虛名六也凡官不同事人不同能今品不狀才能之所宜而以九等為例以品取人或非才能之所長以狀取人則為本品所限徒結白論以為虛譽七也九品所下不彰其罪所上不列其善廢褒貶之義任愛憎之斷人焉得不懈德行而銳

人事八也疏奏優詔答之衛瓘與汝南王亮上疏曰  
魏氏承顛覆之運人士流移詳考無地故立九品之  
制今九域同規臣等以為自公卿以下皆以所居為  
正無復懸客遠屬異土者盡除九品之制使舉善進  
才各由鄉論則奔競自息矣始平王文學李重上疏  
曰九品始於喪亂軍中之政誠非經國不刊之法今  
仕無常朝人無定處郎吏蓄於軍府豪右聚於都邑  
事體駁錯與古不同謂九品既除宜先開移徙聽相

并就且明貢舉之法不濫於境外則冠帶之倫將不

分而自均土斷之實行矣

今攷晉世中正之選魏舒以司徒署兗州何充以中

書令領揚州王述以衛將軍領并冀幽平四州丁譚以光祿大夫領吳國任之重也劉毅以峭直既老復推而為青州顏含以操行而為徐州王嶠以風尚王坦之以重名而為并州顧衆以孝聞而領揚州選之精也李重為江夏中正則不行孔嚴為揚州大中正則不就猶有遜讓之風也陳壽居喪使婢丸藥積年沉廢郗詵篤孝以假葬違常降品一等則名義之可畏也劉沉為燕國中正敦儒道愛賢能進霍原而理張華何攀為梁益二州中正引致名士咸免寃濫則區別之有方也劉沉舉霍原為寒素司徒府不從沉奏中書復下司徒參論吏部郎李重奏原應二品是吏部郎得正議也淮南小中正王式以繼母為出母

中丞卞壺併劾司徒大中正不能舉奏是中丞得舉  
職也公論相維上下無壅所以立法厯數百年而不  
可變

晉世祖武皇帝太康六年秋八月丙戌朔日有食之

以本

紀修是歲慕容廆寇遼西

以呂祖謙  
標目修

晉世祖武皇帝大康七年春正月甲寅朔日有食之

以本

紀修夏慕容廆寇遼東

以本  
紀修

秋匈奴胡降

以通  
鑑修

冬十二月

始制大臣終三年喪

以本  
紀修

解題曰鄭默拜大鴻臚遭母喪舊制既葬還職默自

陳懇至遂改法定令聽大臣終喪自默始也

晉世祖武皇帝太康八年春正月戊辰朔日有食之

以本

紀修太廟殿陷秋九月改營之

以本紀修

是歲匈奴都督率種

落來降

以通鑑修

解題曰北狄以部落為類其入居塞者凡十九種皆有部落不相錯雜屠各最豪貴故得為單于統領諸國武帝不惟不能聽郭欽之言駢之境外方且撫納降胡源源不絕曾不數年而都散叛矣史臣謂生靈



塗地凶族滔天武皇之失也諒哉事見通鑑

晉世祖武皇帝太康九年春正月壬申朔日有食之

以本

紀修夏四月地震

以本紀修

六月庚子朔日有食之

以本紀修

大旱

以本紀修秋八月壬子星隕如雨

以本紀修

晉世祖武皇帝太康十年夏四月太廟成乙巳祫祭

以本

紀修慕容廆降五月以為鮮卑都督

以本紀修

冬十月復郊祀

五帝位

以通鑑修

解題曰詔曰孝經郊祀后稷以配天宗祀文王於明

堂以配上帝而周官云祀天旅上帝又曰祀地旅四  
望望非地則明堂上帝不得為天往者除明堂五帝  
位攷之禮文不正且詩序曰文武之功起於后稷故  
推以配天焉宣帝創業既以配天復以先帝配天於  
義亦所不安其復五帝位

楊駿排汝南王亮十一月甲申以亮為大司馬假黃鉞  
大都督豫州軍事秦王東楚王瑋淮南王允之國各督  
方州軍事封子五人孫三人為王

以本紀  
通鑑修

淮南相劉頌

上疏論政不聽

以列傳修

以劉淵為匈奴北部都尉

以載記修

晉世祖武皇帝太熙元年

孝惠皇帝秉永熙元年

春正月辛丑朔

改元

以本紀修

楊駿惡司空尚書令衛瓘詔瓘以太保就第

以通鑑修

三月帝疾篤詔留汝南王亮與楊駿同輔政駿匿

之夏四月辛丑駿為太尉太子太傅都督中外諸軍事

錄尚書事

本紀

解題曰蘇轍曰漢高帝始謂惠帝仁弱欲廢之而立

如意既而知人心之在太子也則寢廢立之議而用

平勃平勃皆賢而權任均故惠帝雖沒產祿雖橫而  
援立文帝漢室不病也武帝既老知燕王旦廣陵王  
胥之不可用也廢之而立少子任霍光金日磾上官  
桀桑宏羊以後事當是時昭帝之賢否未可知而四  
人枉直相半也幸而昭帝明哲霍光忠良桀羊雖欲  
為亂而不遂其後復廢昌邑立宣帝而朝廷晏然無  
患蓋人君不幸而立幼主當如二帝屬任賢臣乃免  
於亂魏明帝疾篤而立齊王始欲輔以曹宇曹肇而

劉放孫資不便勸帝易以司馬仲達曹爽齊王既非天下之望而爽又以庸才與仲達為對數年之間遂成篡弑之禍武帝親見之矣惠帝之不肖羣臣舉知之而牽制不忍忌齊王攸之賢而恃愍懷之慧以為可以消未然之憂獨有一汝南王亮而不早用舉社稷之重而付之楊駿至於一敗塗地無足恠也事見

通鑑

巳酉帝崩于含章殿皇太子衷即皇帝位改元

解題曰宋庠紀年通譜不俟踰年改元

尊皇后曰皇太后立妃賈氏為皇后五月辛未葬孝武

皇帝于峻陽陵廟號世祖

以本紀修

丙子詔加羣臣封爵楊

駿為太傅大都督假黃鉞錄朝政百官總已以聽

以本紀修

秋八月壬午立子廣陵王適為皇太子

以本紀修

冬十月辛

酉以劉淵為將軍匈奴五部大都督

以本紀修

大事記續編卷二十五

欽定四庫全書

大事記續編卷二十六

明 王禕 撰

晉孝惠皇帝元康元年春正月乙酉朔改元永平

以本紀修

解題曰宋庠紀年通譜永平漢明帝年號

二月癸酉楚王瑋淮南王允來朝三月辛卯皇后遣殿

中兵殺楊駿兄弟其黨皆夷三族

解題曰晉二衛始制前驅由基強弩為三部司馬二衛各五部督其衛鎮四軍如五校各置千人更置殿

中將軍中郎校尉司馬武帝甚重兵官軍校多選清

望之士居之以陳騶為殿中將軍每出入持白獸幡

在乘輿左右

誅駿之謀實起於殿中中郎孟觀李肇又命東安公繇帥殿中兵四百人討駿

殿中兵制大

器可見矣

壬辰改元

解題曰宋庠紀年通譜元康漢宣帝年號

廢皇太后楊氏為庶人徙之金墉城

解題曰按太平寰宇記宋敏求河南志金墉城在故



洛陽城西北角魏所築晉惠帝曰永昌宮有小城永嘉兵亂築為壘餘見通鑑

壬寅汝南王亮為太宰與衛瓘並錄尚書事鎮南將軍楚王瑋為衛將軍領北軍中候論誅駿侯者千餘人解題曰時亮輔政御史中丞傅咸致書曰駿之見討發自天聰孟觀李肇與知密言耳聖上論功寧厚此羣下所宜以實裁量而遂東安封王孟李郡公侯伯子男既妄有加復又三等超遷自古以來封賞未有

若此者也無功而厚賞莫不樂國有禍禍起當復有大功也人而樂禍其可極乎厥後楚王瑋之誅亮瓘趙王倫之廢賈后以至齊王長沙成都河間東海之更相魚肉皆樂禍而為之咸之言不誣也事見通鑑

夏六月皇后使楚王瑋殺亮瓘乙丑復殺瑋

以紀傳修

車騎

司馬賈模為侍中散騎常侍張華為侍中中書監將軍

裴頠為侍中輔政

以通鑑目錄修

秋七月分荆揚州為江州

以本

紀修

解題曰有司奏荆揚二州疆土曠遠於是割揚州之豫章鄱陽廬陵臨川南康建安晉安荊州之武昌桂

陽安成合十郡置江州

晉孝惠皇帝元康二年春二月己酉弒故太后楊氏

以呂

祖諱標  
目修

晉孝惠皇帝元康三年夏六月弘農雨雹深三尺

以本  
紀修

甲寅晉孝惠皇帝元康四年夏五月匈奴郝散反秋八月

伏誅

以呂祖諱  
標目修

是歲大饑山崩地震陷水涌

以本紀舉  
要歷補遺

修

晉孝惠皇帝元康五年夏四月彗星見于西方孛于奎

至軒轅

以本紀修

六月東海雨雹深五尺

以本紀修

冬十月武庫火

十二月丙戌新作之

以本紀修

是歲大水

以本紀修

鮮卑拓跋氏

分其國為三部

以舉要歷補遺修

晉孝惠皇帝元康六年春正月地震

以舉要歷補遺修

張華為

司空

以本紀修

夏匈奴羌胡俱反征西大將軍梁王彤都督

雍梁州軍事秋八月氏帥齊萬年稱帝冬十一月遣將

軍周處等討之

以紀傳修

關中饑疫

以本紀修

十二月略陽氏楊

茂搜還保仇池

以呂祖謙標目修

解題曰仇池見梁天監五年東益州解題

是歲以將軍趙廐為益州刺史

以呂祖謙標目修

解題曰此亂蜀之始也

晉孝惠皇帝元康七年春正月梁王彤逼周處攻齊萬

年癸丑戰于六陌死之

以紀傳修

解題曰按列傳時賊屯梁山周處攻萬年於六陌蓋

近梁山符登自六陌以趨廢橋魏元志發雍從六陌

道將取高平亦此地也

梁山在京兆府奉天縣

秋七月雍梁旱疫

以本紀修

九月右僕射王戎為司徒時尚

書令王衍河南尹樂廣皆為清談朝野慕之

以本紀修

解題曰宋書五行志元康中貴遊子弟相與為散髮

裸身之飲對弄婢妾逆之者傷好非之者負譏希世

之士恥不與焉蓋胡翟侵中國之萌也豈徒伊川之

民一被髮而祭者乎蘇轍曰易曰形而上者謂之道形

而下者謂之器禮與形皆器也孔子生於周末其言及於道蓋寡非不能言謂道之不可以輕授人也夫道以無為體而入於羣有在仁而非仁在義而非義在禮而非禮在智而非智惟其非形器也故目不可以視而見耳不可以聽而知惟君子得之於心以之御物應變無方而不適其正則所謂時中也小人不

知而竊其名與物相遇輒捐理而徇欲則所謂無忌憚也故孔子不以道與人其所以語人者必以禮非

吝之也蓋曰君子上達小人下達君子由禮以達其道則自得而不眩小人由禮以達其器則有守而不狂若規之以禮而不格然後導之刑辟而聖人之所以御物者盡矣魏晉虛無放蕩之論盈於朝野何鄧導其源阮籍父子漲其流而王衍兄弟卒以亂天下要其終皆以濟邪佞成淫欲惡禮法之繩其姦故蔑棄禮法而以道自命小人使之君臣奢縱於上男女淫佚於下風俗大壞至於中原為墟而不悟相隨渡



江而此風不改世無孔孟使楊墨塞路而莫之闢悲

夫事見通鑑

裴頠深患時俗放蕩不遵儒術何晏阮籍素有高名於世口談虛浮不遵禮法

尸祿耽寵任不事事至王衍之徒聲譽大盛位高勢重不以物務自嬰遂相效效風俗陵遲乃著崇有之論以釋其弊胡寅曰老莊之學見周末文勝人皆從事於儀物度數而不復有誠信為之主故欲掃除弊迹以趨乎本真而矯枉太過立言有失玄虛幽眇不切事情遂使未流遺畧禮法忽棄寔德浮游波蕩其為世害更甚於文之滅質也故孔子曰中庸之為德其至矣乎夫物有形者也事有迹者也理則無形迹可窺而有小大長短輕重是非得失可揆者也無形迹可窺謂之有不可也有小大長短輕重是非得失可揆謂之無不可也何晏之論見於無遂以空為宗而遺失形而下者裴頠之論見於有遂以形器為執

而遺失形而上者皆不知理之言也誠知理矣宜有則有烏能強之使無宜無則無烏能強之使有形器森列不足為空虛之累空虛寥廓未嘗為形器之拘雖無思無為而天下之故未嘗不應雖開物成務而寂然之易未嘗有擾也此則聖人之正道也

拓跋猗屯西略降三十餘國

以通鑑日錄修

晉孝惠皇帝元康八年秋九月大水

以本紀修

巴氏李特與

略陽六郡流民入蜀

以呂祖謙標目修

晉孝惠皇帝元康九年春正月將軍孟觀討齊萬年大

破擒之太子洗馬江統論徙戎不聽

以紀傳修

解題曰葉適曰江統徙戎論叙上世事雖畧已得其理敘兩漢事極詳不獨漢魏人能為此議論者絕無而能知此本末者絕少也漢宣光魏武號為有識然皆身以戎狄之患遺後使其國尚未亡則子孫自當之蓋天下利害國家大體思患預防非聖人不能也何去非曰晉之亡大率中原半為夷居元海匈奴也而居晉陽石勒羯人也而居上黨姚氏羌也而居扶風符氏氐也而居臨渭慕容鮮卑也而居昌黎種族

日繁其居處飲食皆趨華矣而其桀暴貪悍樂鬪喜  
亂之志態則無時而變也是以元海一倡而并雍之  
胡乘時四起自長淮之北無復晉土而為戰國者幾  
二百年事見通鑑

成都王穎為平北將軍鎮鄴河間王顥為鎮西將軍鎮

關中

以本紀修

夏六月賈模卒

以呂祖謙標日修

秋八月尚書裴頠

為僕射

以本紀修

冬十一月甲子朔日有食之

以本紀修

十二月

壬戌廢太子遹為庶人

以本紀修

解題曰葉適曰劉卞狂謀欲以子脅父而廢其母此非權道之所許張華拒之是也及愍懷既廢衆怒集於賈后華於是時以人主命廢后復太子以安人情此權道之所許也猶且安常襲故既不能去復不能謀坐視倫秀成其逆節大柄外移身既夷滅而國亡遂不可救可哀也夫事見通鑑

晉孝惠皇帝永康元年春正月癸亥朔改元

以本紀修

解題曰宋庠紀年通譜永康漢桓帝年號

西戎校尉司馬閻纘上書訟故太子寃不省

以通鑑修

解題曰李邁曰纘訟太子之枉太孫立復上疏馬夫以惠帝之愚賈后之賊安能聽言曰上聽言人誰不敢言佳哉纘也是難能也其言欲使著令諸有廢興倉卒東宮兵馬皆得輒嚴須錄詣殿前面授口詔然後為信聽其臣子得如邴吉拒詔書周昌不遣王田叔孟舒隱親左右所以固儲副安後嗣諒哉人主有喜怒宮掖多姦詐怒解而後悔詐行而後覺無及矣

如纘豈一世之言萬世之言也事見通鑑

三月尉氏雨血妖星見南方太白晝見中台星拆

以天文志

修

殺故太子遙

以本紀修

夏四月辛卯朔日有食之

以本紀修

癸

巳右軍將軍趙王倫廢皇后賈氏為庶人殺張華裴頴  
等侍中賈謐及黨與皆誅

解題曰倫矯詔勅三部司馬中宮與賈謐等殺吾太  
子今使車騎入廢中宮汝等皆當從命賜爵關中侯  
不從誅及三族衆皆從之倫又矯詔開門夜入陳兵

道南遣翊軍校尉齊王同將三部司馬百人排闥而入華林令駱休為內應迎帝幸東堂遂廢賈后為庶

人幽之于建始殿餘見通鑑

倫將篡位使左衛王與前軍司馬稚等率甲士

入殿譬喻三部司馬示以威賞王與反秀率宮兵七百餘人自南掖門入勅宮中兵各守衛諸門三部為應於內與斬孫秀等三部司馬於宣化閣中斬孫弼成都王穎攻長沙王乂乂固守洛陽殿中諸將及三部司馬疲於戰守密與左衛將軍朱默夜收乂別省東海王越以頃興事多由殿省乃秦宿衛有侯爵者皆罷之時殿中武官皆封侯由是出者畧盡

甲午倫自為都督中外軍事相國侍中孫秀為中書令



追復故太子適己亥殺庶人賈氏五月己巳立臨淮王  
臧為皇太孫秋八月中護軍淮南王允討倫不克見殺  
游擊將軍齊王問為平東將軍鎮許昌倫自加九錫吏  
部尚書劉須止之不可

以紀傳呂祖  
謙標目修

解題曰倫加九錫加世子恭撫軍將軍領軍將軍馥  
鎮軍將軍領護軍將軍虔中軍將軍領右衛將軍翊  
為侍中增相府兵為二萬人與宿衛同又隱匿兵士  
衆三萬餘見通鑑薛季宣曰晉武懲創魏氏內強宿

衛領之貴戚外削州牧統於宗藩未幾宗王橫肆而宿衛散於私府禁衛單虛而州牧轉為強鎮是以關門無結草之固晉陽有屢舉之甲欲強而反弱將削而滋大者何哉事不師古急於矯弊崇私廢公而患生於所偏也

冬十一月甲子立皇后羊氏

以本紀修

詔徵趙廞廞反以李

特等為爪牙十二月趙廞自稱大都督益州牧

以本紀載記修

晉孝惠皇帝永寧元年

解題曰宋庠紀年通譜建始漢成帝年號

春正月以散騎常侍張軌為涼州刺史

以列傳修

乙丑趙王

倫自即帝位改元建始丙寅廢帝為太上皇遷之金墉

城廢皇太孫臧為濮陽王孫秀為侍中中書監儀同三

司癸酉殺臧

以紀傳修

李特攻成都殺趙廞詔以梁州刺史

羅尚為益州刺史

以紀傳修

解題曰此十六國亂之始也

三月鎮東大將軍齊王冏起兵討倫征北大將軍成都

王穎征西大將軍河間王顥等應之

以本紀修

閏月丙戌朔

日有食之

以本紀修

自正月至於五月五星縱橫無常

以通鑑修

夏四月成都王穎大破倫兵于溴水

解題曰按杜預左氏傳注溴水出河內軹縣東南至

温入河水經注溴水南逕原城西春秋會于溴梁謂

是水之梁也

辛酉左衛將軍王興等誅孫秀帝復位癸亥改元丁卯

倫父子伏誅

以本紀修

成都王穎至己巳河間王顥至

以通鑑修

五月立襄陽王尚為皇太孫

以本紀修

六月乙卯齊王冏至

甲戌以冏為大司馬如宣文輔魏故事成都王顥為大

將軍都督中外諸軍錄尚書事並加九錫河間王顥為

侍中太尉顥辭九錫還鄴

以紀傳通鑑修

東萊王蕤與王輿謀

廢齊王冏秋八月廢蕤為庶人誅輿三族

以列傳修

九月以李

特及其弟流為將軍羅尚逼遣流民皆歸特冬十月特

據廣漢攻尚

以本紀紀載紀呂祖謙標目修

晉孝惠皇帝太安元年

解題曰宋庠紀年通譜誅齊王故改元

春二月太孫尚薨

以通鑑目錄修

夏四月彗星畫見

以本紀修

五月

李特自稱大將軍益州牧

以載本紀修

癸卯以清河王遐子暉

為皇太子

本紀

秋七月大水

以本紀修

八月廣漢太守張徽討

李特敗死羅尚遣軍擊之亦敗

以通鑑修

冬十月地震

本紀

一月丙戌復置寧州

以呂祖謙標目修

河間王顥起兵攻齊王

罔十二月驃騎將軍長沙王又殺罔改元又為太尉都

督中外軍事朝政皆諮成都王顥

以本紀呂祖謙標目修

是歲陳

留王薨謚曰魏元皇帝

以通鑑修

晉孝惠皇帝太安二年

成始祖皇帝李特建初元年

春

正月李特據少城改元羅尚保太城二月襲特斬之李

流領餘衆攻成都

以載記修

解題曰宋庠紀年通譜建初漢成帝年號太城在城

都府華陽縣張儀所築謂之儀城築少城於其西成

都縣治也

夏五月義陽蠻張昌據江夏改元殺荊州都督新野王

詔以荊州刺史劉弘都督荊州軍事秋七月昌黨石冰寇揚州據荊江揚豫徐五州境弘遣大都護陶侃討

昌八月走之

以呂祖謙  
標目修

解題曰周端朝曰河南淮北諸郡不聞蠻擾魏晉始有之亦二漢末造所有也事見通鑑

河間王顥成都王穎起兵攻長沙王又帝討穎九月顥

將張方大掠都城

以本  
紀修

解題曰永寧之初洛中尚有錦帛四百萬珠寶金銀



百餘斛惠后北征蕩陰反駕布衾兩幅囊錢三千以  
為車駕之資而已餘見通鑑

李流死李雄為大都督治郫城以通鑑修冬十月壬寅帝還

宮戊申長沙王又奉帝敗成都王穎將陸機於建春門

又攻張方敗之以紀傳修

解題曰宋敏求河南志都城十二門南面四門曰平

昌門漢之平城門開陽門宣陽門漢之小苑門建陽門漢之津門東

面三門曰清明門漢之宣平門東陽門漢之中東門建春門漢之

上東門一  
曰上昇門  
西面三門曰廣陽門西明門閭闔門漢之西門也

北面二門曰廣莫門漢之穀門大夏門漢之夏門

十二月議郎周玘等起兵討石冰以列傳修閏月李雄攻羅

尚走之入成都以通鑑目錄修幽州都督王浚表鮮卑段務勿

塵為遼西公以本紀修

甲子晉孝惠皇帝永興元年漢光武皇帝劉淵元熙元年成武皇帝李雄建興元年

春正月癸亥司空東海王越執長沙王又改元永安丙

寅張方殺又而還以紀傳修

解題曰通鑑闕永安二字

成都王穎入京師復還鄴以為丞相東海王越加尚書

令

以通鑑修

解題曰按宋書百官志漢獻帝復置丞相魏及晉初  
又廢趙王倫以梁王彤為丞相永興元年以穎為丞  
相

詔羅尚權統巴涪

以呂祖謙  
標目修

解題曰統巴東已郡涪陵涪陵今涪州餘見通鑑

二月乙酉廢皇后及皇太子尊

以通鑑修

廣陵度支陳敏與

周玘破石冰于建康三月冰伏誅

以呂祖謙標目修

戊申以成

都王顥為皇太弟居鄴河間王顥為太宰雍州牧

解題曰宋書五行志惠帝立顥為皇太弟猶加侍中

大都督領丞相備九錫封二十郡如魏王故事既為

副職不應復開封土兼領庶職此言之不從帝既播

越顥亦不終事見通鑑

秋七月丙申朔東海王越奉帝討顥戊戌復皇后皇太

子已未帝敗于蕩陰侍中嵇紹死之

解題曰蕭方曰父母之讎不同天下兄弟之讎不同

國嵇紹之於晉室有私讎矣天不可讎理無容報繼

之以死何其過乎輕於鴻毛延祖之謂事見通鑑蕩陰

即今相州湯陰縣蕩

音湯因蕩水為名

庚申帝幸鄴改元建武越奔歸國范陽王虓以北軍中  
候苟晞為兖州刺史王浚及并州刺史東嬴公騰起兵  
攻潁八月張方入洛陽廢皇后皇太子潁遣劉淵發五

部攻浚淵自稱大單于浚騰大敗穎兵穎奉帝奔洛陽

騰以拓拔猗色擊淵破之

以紀傳通鑑修

張昌伏誅

以呂祖謙標目修

冬十月李雄稱成都王改元

以載記修

解題曰宋庠紀年通譜建興劉禪孫亮年號

劉淵即漢王位於左國城改元

以載紀修

解題曰漢離石縣屬西河郡後漢末廢為南單于左

國城魏黃初三年復置後陷劉淵石勒改為永石郡

通鑑

考異曰通典離石有南單于鹿左國城淵雖遷猶在離石縣境內也

十一月乙未張方劫帝幸長安以本紀修尚書僕射荀藩為

留臺承制年號永安辛丑復皇后

以呂祖謙  
標目修

十二月丁

亥廢太弟穎以豫章王熾為皇太弟改元河間王顥都督中外軍事張方為中領軍錄尚書事以紀傳修

解題曰宋庠紀年通譜一年三易號永安吳孫休年號建武漢光武年號永興漢桓帝年號按惠帝九改元而六同漢年一用吳號紀年頒朔政之大者皆事出倉卒安襲曩名庸非天厭惠德趣衰啓亂俾發號

施令皆前王之芻狗傳曰其壞不可支也斯之謂歟

晉孝惠皇帝永興二年

漢光文皇帝元熙二年  
成武皇帝太武元年

春正月

甲午朔帝出居于長安

以本  
紀修

夏四月張方廢皇后

以本  
紀修

解題曰羊后於是三廢矣河間王顥矯詔以后屢為

姦人所立遣尚書田淑勅留臺賜后死詔書累至司

隸校尉劉暉與尚書僕射荀藩河南尹周馥馳奏曰

羊庶人門戶殘破廢故空宮門禁峻密無緣得與姦

人構亂衆無愚知皆謂不然陛下更深與太宰參詳



勿令遠近疑惑取謗天下顛大怒遣收瞰瞰奔青州  
后遂免帝還洛迎后復位洛陽令何喬又廢后及張  
方首至其日復后位餘見通鑑葉適曰幽王之詩稱  
周宗既滅靡所止戾正大夫離居莫知我勦三事大  
夫莫肯夙夜邦君諸侯莫肯朝夕蓋是時幽王見殺  
太子外遷而其辟公貴人首鼠自便莫以傾覆為念  
故人怨刺之如此瞰為留臺而能抗拒強臣存活廢  
后視是詩所稱過之遠矣

六月成都王雄改元

以載紀修

秋七月東海王越領徐州都

督起兵攻河間王顥成都王顥故將公師藩起兵於趙

魏八月越以豫州刺史劉喬為冀州刺史范陽王虓領

豫州刺史喬拒虓

解題曰喬成都王之黨也虓東海王之黨也冀州統

郡國十三趙

宋慶源信德真定中山四府之地

鉅鹿

慶源信德二府之地

安平

冀州平原

安德東平信德三府博州永靜軍之地

樂陵

棣濱滄三州之地

勃海

滄清冀恩四州永靜軍之地

章武

河間府霸莫滄三州之地

河間

河間府莫雄涿三州保定軍

之保州永寧廣信安高陽肅順安四軍之地博陵深祁二州之地清河大名安德二府

恩博二州之地 中山中山真定二府保常山真定中山二府之地

壬子顯都督河北軍事冬十月劉弘請顯越釋怨不納

喬襲許虢奔河北有星孛于北斗弘受東海王越節度

十二月穎入洛陽虢領冀州刺史濟河擊穎將敗之喬

衆潰以紀傳呂祖謙標目修右將軍陳敏反於歷陽據江東劉弘

遣江夏太守陶侃討之以呂祖謙標目修是歲漢王淵徙黎亭

以通鑑修

解題曰按後漢郡國志上黨郡壺關縣有黎亭故黎

國

晉孝惠皇帝光熙元年

漢光文皇帝元熙三年  
成武皇帝晏平元年

春正月

戊子朔帝出居于長安日有食之

以本  
紀修

河間王顥殺張

方請和於東海王越越不許成都王穎奔長安夏四月

己巳越屯溫五月遣兵入長安顥穎走己亥帝還洛陽

六月丙辰朔復皇后辛未改元顥復入長安

以本紀  
通鑑修

解題曰皇后三廢而三復矣

成都王雄即帝位改元國號成

以呂祖謙  
標目修

秋七月乙酉

朔日有食之

以本  
紀修

八月太傅東海王越錄尚書事

以本  
紀修

九月頓邱太守馮嵩執成都王穎范陽王長史劉輿殺

之

以本  
紀修

解題曰宋開德府清豐縣晉頓邱郡也

兖州刺史苟晞斬公師藩

以通鑑  
目錄修

冬十月以范陽王司

馬劉琨為并州刺史

以呂祖謙  
標目修

十一月庚午東海王越

弒帝

解題曰按帝紀司馬越鶴之

癸酉皇太弟熾即皇帝位尊皇后曰惠皇后立妃梁氏

為皇后

以本紀修

十二月壬午朔日有食之

以本紀修

河間王顥

就徵鎮南將軍南陽王模殺之

以本紀通鑑修

己酉葬孝惠皇

帝于太陽陵

以本紀修

大事記續編卷二十六

欽定四庫全書

大事記續編卷二十七

明 王禕 撰

晉孝懷皇帝永嘉元年

漢光文皇帝元熙四年  
成武皇帝晏平二年

春正月

癸丑改元

以本  
紀修

解題曰宋庠紀年通譜永嘉漢沖帝年號

二月東萊王彌寇青徐二州

以本  
紀修

陳敏伏誅

以本  
紀修

三月

丁卯改葬楊太后謚曰武悼庚午立豫章王詮為皇太

子

本  
紀

庚辰東海王越出鎮許昌

本  
紀

南陽王謨為征西大

將軍開府都督秦雍梁益四州軍事鎮長安

以本紀修

夏五

月馬牧帥汲桑羯胡石勒陷鄴殺司冀二州都督新蔡

王騰進攻兗州東海王越使苟晞討之

以紀傳修

解題曰石勒上黨武鄉羯人其先匈奴別部羌渠之  
胄按匈奴傳有力羯種然則勒其力羯種歟事見通

鑑

秋七月己未以平東將軍監徐州軍事琅邪王睿為安  
東將軍都督揚州江南軍事鎮建業睿以司馬王導為



謀主侍中顧榮為軍司會稽相賀循為吳國內史導說

睿謙以接士儉以足用撫綏新舊江東歸心焉

以呂祖  
謙標目

修八月分荊州江州為湘州

以本  
紀修

解題曰分長沙衡陽湘東零陵邵陵桂陽及廣州之

始安始興臨賀置湘州

九月苟晞擊汲桑石勒大破之勒尋奔漢桑走死

以本  
紀舉

要歷補

遺修

解題曰汲桑之破鄴也東海王越出次官渡以討之

命苟晞為前鋒桑素憚晞於城外為柵以自守晞將  
至頓軍休士先遣單騎示以禍福桑眾大震棄柵宵  
遁嬰城固守晞陷其九壘遂定鄴而還西討呂郎滅  
之後從高密王泰討青州賊劉根破公師藩敗石勒  
於河北威名甚盛時人擬之韓白餘見通鑑

辛亥有大星如日小者如斗自西方流東北天盡赤俄

有聲如雷

以本  
紀修

冬十一月戊申朔日有食之

以本  
紀修

十二

月癸卯東海王越自為丞相領兗州牧

解題通典晉司徒與丞相通職未嘗並立永嘉元年  
始兩置焉餘見通鑑

以撫軍將軍苟晞為征東大將軍都督青州軍事青州

刺史

以紀  
傳修

慕容廆自稱鮮卑大單于

以載  
記修

時帝始親郊

祀

以列  
傳修

解題曰摯虞為太常卿時懷帝親郊自元康以來不  
親郊祀禮儀弛廢虞考正舊典法物粲然

晉孝懷皇帝永嘉二年

漢光文皇帝永鳳元年  
成武皇帝晏平三年

春正月

丙午朔日有食之

以本紀修

漢王淵遣將軍劉聰據太行石

勒下趙魏

以舉要歷補遺修

二月辛卯東海王越殺清河王暉

以本紀修

庚子漢石勒寇常山驃騎大將軍王浚破之

以本紀修

三月東海王越徙鎮鄆城

以舉要歷補遺修

解題曰鄆城屬濮陽國

素紹使記曹操以許下卑濕雒陽殘破宜徙都鄆城以就

全寶水經河水東逕鄆城縣北注故城在河南十八里宛州舊治河上之邑最為峻固晉八王故事越治鄆城無故自壞七十餘丈越惡之移治濮陽

夏四月丁亥王彌入許昌五月甲子寇洛陽敗走歸漢

以本  
紀修

解題曰彌謂其黨劉靈曰晉兵尚彊歸無所厝劉淵  
昔為質子我與之周旋京師深有分契今稱漢王歸  
之可乎靈然之乃渡河歸淵餘見通鑑

秋七月漢王淵徙都蒲子

以通鑑  
目錄修

解題曰劉琨至晉陽元海在離石相去三百里許琨  
密遣離間其部種虜降者萬餘落淵甚懼遂城蒲子  
而居之餘見通鑑

今隰州隰川縣北四十  
里即春秋時蒲城也

八月東海王越屯濮陽

以本紀  
紀修

冬十月甲戌漢王淵即帝

位改元

以本紀通  
鑑目錄修

解題曰夷狄僭號自淵始

十二月漢石勒寇魏汲頓邱

以通  
鑑修

晉孝懷皇帝永嘉三年

漢光文帝河瑞元年  
成武皇帝晏平四年

春正月

漢徙都平陽改元

以通鑑  
目錄修

解題曰今平陽路平陽縣有劉元海城晉地理志蒲

子平陽皆屬平陽郡統於司州蓋逼畿甸矣

宋庠紀  
年通譜

於汾水中得玉璽王莽  
時璽也乃收元元璽

三月丁巳東海王越入京師殺中書令繆播等

以呂祖  
譔標目

修

以中書監王敦為揚州刺史

以呂祖譔  
標目修

解題曰潘滔說越曰今樹處仲於江外使其肆豪彊  
之心是見賊也不從

東海王越領司徒王衍為太尉越奏罷宿衛以國兵代

之

以紀  
傳修

漢陷黎陽

以通  
鑑修

大旱江漢河洛皆竭

以本  
紀修

夏漢

石勒寇鉅鹿常山以趙郡張賓為謀主

以通鑑  
目錄修

秋七月

漢陷壺關

以通鑑修

解題曰上黨郡故治長子縣董卓作亂移治壺關劉淵雖徙居壺關之黎亭未能得郡也至是王彌劉聰石勒共攻壺關降上黨大守而劉琨始即襄垣以為郡矣餘見通鑑

八月漢楚王聰寇洛陽九月弘農太守垣延襲敗之

以載

修記王浚遣將大破石勒于飛龍山

以載紀修

解題曰今真定有飛龍山



冬十月漢楚王聰等寇洛陽敗還以呂祖謙標目修成天水匄

琦以梓潼降

以呂祖謙標目修

十一月漢石勒陷長樂

以本紀修

解題曰長樂屬魏郡

十二月漢王彌遣長史曹嶷徇青州

以通鑑目錄修

晉孝懷皇帝永嘉四年

漢昭武帝劉聰光興元年

春二

月漢石勒陷鄆城

以本紀修

成將文碩以巴西降

以本紀修

夏四

月大水

以本紀修

成復取梓潼

以呂祖謙標目修

五月大蝗

以本紀修

七月羅尚卒以長沙太守皮素代之

以呂祖謙標目修

己卯漢

主淵卒太子和立和弟聰弑而代之改元以北海王

為太弟

以呂祖謙  
標目修

解題曰宋庠紀年通譜嘉平魏高貴鄉公年號

氏蒲洪稱略陽公

以載  
記修

漢陷河內

以本  
紀修

九月流民王如

反於南陽降于漢

以呂祖謙  
標目修

冬十月漢河內王粲等寇

洛陽石勒圍倉垣陳留內史王讚走之

以本紀  
通鑑修

解題曰倉垣城在宋開封府開封縣東北水經注濟

水東逕倉垣輿地志城南臨汴水

劉琨表鮮卑拓跋猗盧為大單于代公

以通鑑修

解題曰杜延業晉春秋云猗盧匈奴之別種也族類

數千各立稱號索頭其一也猗盧受琨節度欲遣索

頭萬騎衛京師太傅越以洛中荒儉弗聽餘見通鑑

琨與丞相賤曰琨比和猗盧遂引大衆躬啓戎行即具白太傅切陳愚見聰宜時討勒不可縱而宰相所慮不同更憂苟晞馮嵩之徒而稽二寇之誅遣使抑挫臣銳氣臣即解甲遣盧衆歸國

壬子王浚為司空平北將軍劉琨為平北大將軍進段

勿務塵為大單于

以紀傳修

京師飢遣使徵天下兵不至

以本

紀修

漢石勒破王如軍寇襄陽

以朱熹綱目修

十一月甲戌東海

王越討石勒以王衍為軍司東屯項越自領豫州牧

以本

紀修

解題曰朱黼曰越始領司徒凡宿衛有侯爵者盡奏罷之止以國兵數百宿衛後知京師單弱遂出屯于項帥甲士四萬且以行臺自隨朝賢素望悉為佐吏名將勁卒咸入其府宮省無復守衛此劉聰所以談笑而取之也幽王之詩曰皇父孔聖作都于向擇三

有事亶侯多藏不愆遺一老婢守我王擇有車馬以居徂向小人之敗國家專為深謀者宛然同一軌也

事見通鑑

揚州都督周馥請遷都壽春東海王越召馥馥不至

以紀

傳修十二月皮素為其下所殺以巴東監軍韓松為益州

刺史

以通鑑修

晉孝懷皇帝永嘉五年

漢昭武皇帝嘉平元年成武皇帝玉衡元年

春正月

壬申漢曹嶷陷青州荀晞走

以本紀修

癸酉漢石勒陷江夏

以本紀修

乙亥成取涪城巴西改元

以呂祖謙標目修

湘州流人杜

玳據長沙反

以本紀修

鎮東大將軍開府琅邪王睿遣將攻

周馥馥走死以軍諮祭酒王敦為揚州刺史

以通鑑修

解題曰程迥曰馥以京師傾危故撫壽春請車駕幸

之已而帝果陷賊其先見如著龜所以不從姦臣假

托之召者欲保有壽春以待君父上以鑒皇甫規朱

雋輕從董卓之召致國家之殄亡下亦自附於祖逖

劉琨之烈光以自見於世而琅邪害之剪國家之羽

翼以增亂人之氣見讎不討而動干戈於邦內江左不競此其兆朕也事見通鑑

三月詔討東海王越以苟晞為大將軍督青徐兗豫六

州軍事越薨

以呂祖謙標目修

建平都尉暴重殺韓松領三府

事益州將吏殺重以巴郡太守張濯行三府事濯戰死

平西司馬王異代之

以通鑑修

解題曰按載記羅尚為平西將軍領護西夷校尉益州刺史實開三府故三府官屬表韓松等而暴重張羅王異

張啟皆領三府事至向沈蘭維浸就削弱但行西夷校尉而已事見通鑑

夏四月漢石勒追東海王越喪敗之苦縣殺王衍及王

公已下十餘萬人害宗室四十八王於洧倉

以本紀通鑑修

解題曰按晉春秋三十國春秋王衍將死顧謂劉望曰吾曹雖不如古人向令不共祖尚浮虛戮力悉心以治天下猶可不至今日餘見通鑑蘇轍曰晉世高談揖讓而無慷慨感激之操大言無當不適於用而



畏兵革之事姦雄知其所忌而竊乘之是以顛沛隕  
越而不能以自存且夫劉石姦詐雄武譬如山林之  
人生於草木之間大風烈日之所咻而雪霜飢饉之  
所勞苦其筋力骨節之所嘗試者亦已至矣而使王  
衍之倫清談而當其衝譬如千金之家居於高堂之  
上食肉飲酒不習寒暑之勞而欲以之捍禦山林之  
勇夫固姦雄之所樂攻而無難者也富而不能勞貴  
而不能治此其所以喪天下之故哉

水經注洧水又  
東入汶倉城內

俗以是水為汶水故名汶倉非也蓋渭水之邨閭亦在潁昌府

五月杜弼陷長沙

以呂祖謙標目修

漢前軍大將軍呼延晏入

寇六月丁酉王彌及始安王曜等陷洛陽戊戌殺太子

詮及王公士民三萬餘人遷帝于平陽

以本紀修

丁未漢改

元

以載記修

苟晞立豫章王端為皇太子置行臺自領尚書

令屯蒙城

以本紀通鑑目錄修

解題曰梁國蒙縣山桑古城在縣北

司徒荀藩等建行臺于密奉吳王晏子秦王業趣許昌

以通鑑  
目錄修

鎮東大將軍琅邪王睿辟渡江賢俊

以呂祖謙  
標目修

琅邪王睿遣兵攻江州刺史華軼斬之

以列  
傳修

秋七月王

浚承制假立太子自領尚書令

以本紀  
通鑑修

八月漢圍長安

九月殺太尉南陽王模以中山王曜鎮長安

以載  
記修

漢石勒

襲執苟晞及豫章王端

以本  
紀修

冬十月漢石勒殺王彌屯

葛陂

以載  
記修

解題曰勒於葛陂繕室宇課農造舟將寇建鄴會霖

雨三月不止元帝使江南之衆大集壽春勒軍中飢

疫死者大半檄書朝夕繼至勒會諸將議之勒發葛  
陂使石虎率騎二千距壽春大敗于巨靈口奔退百  
里及于勒軍軍中震擾謂王師大至勒陣以待之晉  
懼有伏兵退還壽春勒所過皆堅壁清野採掠無所  
獲軍中大飢士衆相食餘見通鑑勒號為善用兵然  
困於陽平敗於赤橋狼狽於飛龍倉垣亦幾危矣江  
漢雖能蹂躪河之南北固未容足之地至是飢疫瀕  
死此天亡之時而琅邪諸臣特幸其去曾不能乘機

奮發以感之使得安行而據襄國卒之奄有天下大半  
鳩張大語以漢高光自擬嗚呼使勒得以稱雄於  
時者諸賢之罪也世遂從而信之可發千載一慨哉

蔡州新蔡縣有葛  
陂周迴三十里

十一月拓跋猗盧入太原劉琨徙五縣百姓以避之

以本

紀修

解題曰按晉書列傳宋書索虜傳後魏書本紀初單  
于猗也以救東高甌公騰之功琨表其弟猗盧為代郡

公王浚以琨侵已之地數擊琨猗盧以封邑去國懸

遠民不相接率部落自雲中入雁門從琨求句注陁

北之地

地理志魏黃初立并州自陁嶺以北並棄之至晉因而不改元和郡縣志句注山在代州

西北三十五里雁門縣西陁山是也晉咸寧元年碑

北方之險有盧龍飛狐句注為之尊天下之阻所以 亂為猗盧所據 琨不能制且欲猗盧為援乃徙馬邑

屬雁 陰館樓煩 並漢縣屬雁 繁峙 縣並屬 五縣民於

新安以其地處之猗盧徙十萬家以充之

安定太守賈疋馮翊太守索綝等大敗漢中山王曜於

黃邱豫州刺史閻鼎奉秦王業趨武關

以列傳  
通鑑修

解題曰按載紀列傳劉曜既據長安安定太守賈疋  
及諸氐羌皆送質任唯雍州刺史麴特新平太守竺  
恢固守不降護軍麴允頻陽令梁肅自京北南山將  
奔安定遇疋任子於陰密擁還臨涇推疋為平西將  
軍率衆五萬攻曜於長安扶風太守梁綜及麴特趙  
染來距敗蹟而還曜衆大敗中流矢退保甘渠疋帥  
戎晉二萬餘人將伐長安西平太守竺恢亦固守劉

築閭之使劉曜劉雅趙染距足先攻恢不克足邀擊  
大敗之曜退走足追之至于甘泉旋自渭橋襲彭蕩  
仲殺之通鑑馮翊太守索綝等共推賈足為平西將  
軍率衆五萬向長安雍州刺史麴特新平太守竺恢  
皆不降於漢漢河內王粲在新豐使其將劉雅趙染  
攻新平不克索綝救新平大小百戰雅等敗退中山  
王曜與足戰於黃丘大敗足遂襲漢梁州刺史彭蕩  
仲殺之耀州雲陽縣漢甘泉宮本秦林光宮武帝立



秦時開山圖漢官儀注晉灼皆云雲陽甘泉黃帝以  
來圓丘祭天處黃丘殆以此得名

載記又云戰黃丘  
曜衆大敗退保甘

渠即甘泉也地與

耀州三原縣隣

王浚以崔毖為東夷校尉

呂祖謙  
標目

晉孝懷皇帝永嘉六年

漢昭武皇帝嘉平二年  
成武皇帝玉衡二年

春正月

帝蒙塵于平陽

以本  
紀修

解題曰聰引帝入譙謂帝曰卿為豫章王時朕常與

王武子相造武子稱朕於卿卿言聞其名久矣以卿

所製樂府欲示朕謂朕曰聞君善為辭賦試為看之  
朕時與武子俱為盛德頌卿稱善者久之又引朕射  
于皇堂朕得十二籌卿與武子俱得九籌卿贈朕柘  
弓銀斝卿頗憶否帝曰臣安敢忘之但恨爾日不早  
識龍顏餘見通鑑以藩王而結交外夷任子晉之紀  
綱蕩然久矣

二月壬子朔日有食之

以本  
紀修

漢石勒將攻建業以大雨

止琅邪王睿上尚書檄討勒

以通鑑  
本紀修

夏賈疋等敗漢中

山王曜走之秦王業入長安

以通鑑修

秋七月漢石勒據襄

國

以通鑑修

解題曰襄國屬廣平郡宋信德府

漢襲取晉陽八月庚戌劉琨奔常山

以本紀修

解題曰劉越石志槩英果亦以忠義自許獨惜其無學是以紐於奢豪而無深沈之度方其崎嶇兵間此何如時而流連音律以忠諫殺士豈望塵之餘習猶未除耶卒於境土不保依棲戎狄功業竟無一成然

則有志於事功者可不以學問為先哉事見通鑑

九月辛巳雍州刺史賈疋等奉秦王業為皇太子建宗

廟社稷以閻鼎為太子詹事總攝百揆疋征西大將

軍

以紀傳修

冬十月代公猗盧遣兵救劉琨大敗漢中山王

曜十一月琨保陽曲

以本紀修

解題曰陽曲太原國縣

水經注汾水西南逕陽曲城北魏土地記曰陽曲胡寄居

太原界

始平太守麴允馮翊太守梁緯等攻閻鼎鼎走死十二

月羣胡攻賈足殺之允領雍州刺史

以通鑑修

解題曰京兆尹梁綜與鼎爭權鼎殺綜鼎首建大謀立功天下始平太守麴允撫夷護軍索綝心害鼎功且規權勢馮翊太守梁緯北地太守梁肅並綜母弟綝之姻乃證其有無君之心專戮大臣遂攻鼎鼎奔雍為氐所殺夫首建入關之謀者閻鼎也與賈足謀興復晉室者梁肅等也帥十萬衆會之者梁綜也今秦王輔入關而鼎以爭權殺綜麴允輩又欲專權而

殺鼎足亦斃於群胡之手欲帝業之定也難哉事見

通鑑

王浚遣督護王昌帥段疾陸眷等攻漢石勒大敗段氏

遂附於勒

以列傳修

是歲王敦殺其從兄軍諮祭酒澄澄將

王機據廣州王如降於敦

以呂祖謙標目修

江陽太守張啟殺

王異而代之尋卒三府表涪陵太守向沈行西夷校尉

以通鑑修羌姚弋仲稱扶風公

以通鑑修

晉孝愍皇帝建興元年

漢昭武皇帝嘉平三年成武皇帝玉衡三年

春正月

帝蒙塵于平陽

以本紀修

二月丁未漢主聰弑帝

以通鑑修

三月

向沈卒成取巴陵

以通鑑修

解題曰初成都之失守也羅尚猶統巴涪暨尚卒於巴郡而巴亂矣故韓松治巴東而成亦遂取涪向沈蘭續退保涪陵終為成所併而已事見通鑑

夏四月壬申皇太子業即皇帝位改元

解題曰宋庠紀年通譜建興劉禪孫亮李雄年號愍帝雖草創繼世而建元合前三號不祥甚矣

以麴允及京兆太守索綝為左右僕射

以本紀修

漢石勒使

從子虎據鄴

以通鑑修

解題曰按晉春秋曰石勒背漢之謀始於此又按載

記勒謂張賓曰鄴魏之舊都風俗殷雜誰可任也賓

曰晉故東萊太守趙彭有佐時良幹於是徵為魏郡

太守彭泣辭以石虎鎮鄴三臺石虎篡奪之萌兆於

此

張賓始勸勒不攻三臺避其實也既得襄國則亟圖三臺乘其虛也殆無遺算矣

相臺志

鄴在今相州東三十里本魏地城塚記云狄滅邢衛



齊桓公築鄴城以衛諸侯管子亦曰築五鹿中牟鄴以衛諸夏今此城在鄴東一里半東西七里南北五里齊所築也漢置魏郡於此曹操建都凡七門南面三門東面一門西面一門北面二門餘見通鑑

琅邪王錄事參軍陳頤數論事睿出之為譙郡太守

以通

鑑五月壬辰琅邪王睿大司馬南陽王保為左右丞相

大都督陝東西軍事

以本紀修

石勒取山東郡縣

以本紀修

秋詔

琅邪王睿進軍睿辭八月以長史刁協為丞相左長史

從事中郎劉隗為司直軍諮祭酒祖逖為豫州刺史屯

淮陰

以本紀通鑑修

武昌太守陶侃大破杜弢王敦表為荊州

刺史

以通鑑修

九月荀藩薨

以本紀修

漢中山王曜敗麴允于黃

白城

以通鑑修

解題曰黃白城在今耀州三原縣西南

竟陵太守杜曾反冬十月擊敗陶侃擊杜弢大破之

以通鑑修

氏揚難敵取梁州自稱刺史

以呂祖謙標目修

十一月麴

允襲漢中山王曜大敗之

以呂祖謙標目修

十二月漢石勒奉

表於王浚

以通鑑修

解題曰昔智伯欲襲衛遺之乘馬先之以璧衛君大  
悅諸大夫皆喜而南文子獨有憂色衛君問之南文  
子曰無方之禮無功之賞禍之先也我未有往而彼  
有以來是以憂也於是衛君修梁津捍邊城智伯不  
敢伐浚豈未之知乎事見通鑑

是歲琅邪王睿遣世子紹鎮廣陵

以舉要歷補遺修

代公猗盧

城盛樂及平城

以通鑑修

解題曰元和郡縣志續通典漢末匈奴擾邊定襄以  
西雲中雁門西河遂空曹公始立平城縣晉改屬雁  
門倚盧都平城道武建都東至軍都關西至河南至  
中山隘門塞北至五原為甸服孝文遷都為恒州唐  
正觀自朔州北定襄城移雲州及定襄縣於此天寶  
升大同軍節度使後魏雲州在郡北三百餘里定襄  
故城齊立朔州在西南一名平城

甲戌 晉孝愍皇帝建興二年

漢昭武皇帝嘉平四年  
成武帝玉衡四年

春正

月已巳黑霧著人如墨辛未有如日隕于地又有二日

相承出西方而東行

以本紀修

揚難敵去梁州地歸于城

以呂

祖謙標  
目修

二月壬寅鎮西將軍張軌為太尉涼州牧王浚

為大司馬都督幽冀軍事司隸校尉荀組為司空行留

臺事劉琨為大將軍都督并州軍事

以紀傳修

漢石勒遣使

劉琨請討王浚三月壬申勒襲執浚殺之使燕國劉翰

戍薊翰歸段匹磾

以呂祖謙  
標目修

解題曰勒纂兵戒期將襲浚而懼劉琨及鮮卑烏丸

為其後患沉吟未發張賓曰夫襲敵國當出其不意  
軍嚴經日不行豈顧有三方之慮乎勒曰為之奈何  
賓曰今三方未謂將軍便能懸軍千里以征幽州也  
輕軍往返不出二旬就使三方有動勢足旋趾且琨  
浚雖同名晉藩其實仇敵若修牋于琨送質請和琨  
必欣于得我喜于浚滅終不救浚而襲我也於是宵  
行遣張慮奉牋于琨陳已過深重求討浚以自效琨  
素疾浚乃檄諸州郡說勒知命思愆收累年之咎求

拔幽都效善將來今聽所請受任通和餘見通鑑琨嘗歸勒母授以大將軍郡公之號勒方嬉笑斬侮謝而絕之今其勢日張何畏於琨而卑辭請和乎直畏我之擬其後耳而琨恬不之怪真謂其若有思愆念咎之意者勒遂得以襲取王浚略無後憂琨乃上表朝廷謂浚受其偽和為勒所虜勒勢轉盛欲來襲臣東北八州勒滅其七先朝所授存者惟臣是以勒朝夕謀慮以臣為計豈琨至是而後悟耶琨誚浚受其

偽和而已乃復受其和其相去幾何是亦目睫之論也

樂陵太守邵續附石勒尋歸琅邪王睿以為平原樂安

太守

以呂祖謙  
標目修

夏五月己丑西平武穆公張軌薨世子

寔立

以紀  
傳修

漢中山王曜趙染寇長安六月敗還秋七月

染攻北地麴允殺之

以呂祖謙  
標目修

冬十月張寔都督涼州

軍事涼州刺史

以列  
傳修

晉孝愍皇帝建興三年

漢昭武帝建元元年  
成武皇帝玉衡五年

春二月



丙子琅邪王睿為丞相大都督督中外軍事南陽王保

為相國大將軍荀組為太尉豫州牧劉琨司空都督并

冀幽三州軍事進代公猗盧爵為王以本紀修杜弼別將陷

豫章三月尋陽內史周訪平之以本紀修漢改元以載記修

解題曰宋庠紀年通譜建元漢武帝年號

漢青州刺史曹嶷盡得齊魯之地以呂祖謙標目修秋八月陶

侃克長沙杜弼走死以本紀修琅邪王睿以王敦為鎮東大

將軍都督江揚荆湘交廣六州軍事江州刺史敦以王

機為交州刺史陶侃為廣州刺史從弟軍諮祭酒廩為

荊州刺史杜曾迎荊州刺史第五猗以拒廩王機謀據

廣州侃討之機走死

以通鑑修

九月漢中山王曜寇北地冬

十月拔馮翊

以本紀修

晉孝愍皇帝建興四年

漢昭武帝麟嘉元年成武皇帝玉衡六年

春正月

贈吳王晏太保謚曰孝

以呂祖謙標目修

二月漢殺少府陳休

等七人太宰河間王易御史大夫陳元達等諫不聽三

月易恚死元達自殺

以載記修

代王猗盧為其子六脩所弑

其將箕澹等歸劉琨

以本紀修

夏六月丁巳朔日有食之

以本

紀修

大蝗

以本紀修

秋七月漢中山王曜圍北地大都督麴允

救之衆潰九月曜陷長安外城冬十月乙未帝出降御

史中丞吉朗死之丁酉遷帝于平陽允死之

以本紀載記修

解題曰帝之繼皇統也屬永嘉之末天下崩離長安

城中戶不盈百墻宇頽毀蒿棘成林朝廷無車馬章

服惟桑版署號而已公私有車四乘器械多闕運饋

不繼巨猾滔天帝京危急諸侯無釋位之志征鎮闕

勤王之舉故君臣窘迫以至殺辱云餘見通鑑

漢以曜為秦王大都督陝西軍事改元

以本紀載記修

劉琨

遣箕澹攻石勒于姑城自屯廣牧勒大破之

以列傳修

解題曰按晉書地理志樂平郡有沾縣今石勒圍樂

平太守韓據于姑城沾之為姑殆字畫之訛也又按

晉書地理志并州新興郡有廣牧縣水經注河東逕

廣牧故城北

十二月乙卯朔日有食之

以宋志修

并州降石勒己未劉琨

奔段匹磾

以本紀修

琅邪王睿刻日北征以漕運稽期誅督

運令史淳于伯而還

以呂祖謙標目修

解題曰按列傳及宋書五行志後將軍褚裒鎮廣陵丞相揚聲北伐淳于伯以督運稽留及役使贓罪依征軍法戮之其息忠訴稱伯督運事訖無所稽乏受賊役使罪不及死軍是戍軍非為征軍自四年以來運漕租調皆有稽停不以軍興論至於伯也何獨明之司直劉隗彈劾衆官右將軍王導引咎請解職元

帝無所問於是頻旱三年于寶以為冤氣之應餘見  
通鑑朱熹曰元帝無意於復中原託以督運稽期歸  
罪令史血逆柱流至二丈餘天理真不隔毫分

琅琊王睿以邵續為冀州刺史

以通鑑修

晉孝愍皇帝建興五年

漢昭武帝麟嘉二年成武皇帝玉衡七年

涼張寔建興五年

春正月帝蒙塵于平陽

以本紀修

庚子三

日並照

以天文志修

張寔遣兵擊漢不能進而還

以列傳修

二月

漢劉暢攻滎陽太子李矩大敗之

以列傳修

三月辛卯琅邪

王睿即晉王位改元

解題曰按本紀玄石圖有牛繼馬後故宣帝深忌牛氏遂為二榼共一口以貯酒馬帝先飲佳者以毒酒鴆其將牛金而恭王妃夏侯氏竟通小吏牛氏而生元帝亦有符云餘見通鑑胡寅曰魏明帝青龍三年寶石負圖有石馬七及犧牛之象司馬懿始封晉王至愍帝七世此石馬之數也前史載元帝之父牛其姓與夏侯妃通而生帝帝實姓牛而冒晉姓晉之君

臣所以安之而不革者正以胡羯交侵江左微弱倘不憑依舊業無以係屬人心是以不得已而為之爾  
宋庠紀年通譜建武漢光武晉惠帝年號帝雖草創江左而再用惠元可謂亡其典矣

立世子紹為太子以征南大將軍王敦為大將軍揚州刺史王導為驃騎將軍領中書監錄尚書事刁協為左僕射劉隗為御史中丞

以紀傳修

劉琨等遣司馬溫嶠奉表

勸進於晉王睿

以通鑑修



解題曰事見通鑑張栻曰温嶠孝友篤至一旦奉劉  
琨之檄將命江左毋崔固止之不可至於絕裾而行  
太真有母此身固不得以許琨矣若既已委質為臣  
當危難而無避可也將命之舉豈無他人獨不得辭  
乎投富貴之機赴功名之會而其所喪若此惜哉

夏四月漢殺太弟乂

呂祖謙  
標目

五月壬午日有食之

以天  
文志

修荀組等上表勸進於晉王睿

以列傳  
通鑑修

解題曰按劉琨傳元帝稱制江左琨乃令温嶠勸進

於是河朔征鎮夷夏一百八十人連名上表荀組傳

西都不守組乃遣使移檄天下共勸進事見通鑑琨之

上表既列邵續曹嶷崔愨而通鑑於六月始書荀組邵續曹嶷崔愨等上表勸進者蓋續等始承琨檄已自列名至是又上表亦猶慕容廆始既連名又自專遣王濟也但通鑑於琨初勸進之時欠列三人名耳

祖逖入譙城六月漢石虎圍之己巳晉王睿傳檄遣琅

琊王裒等討虎尋還以紀傳修

解題曰張栻曰為國有大幾大幾一失則其弊隨起而不可禁大幾者三綱之所存是也元帝初以懷帝

之命來臨江左當時以時事艱難分建屏翰其責蓋  
不輕矣而其規模蓋有自為封殖之意而無慷慨謀  
國之誠懷帝蒙塵不聞勤王之舉愍帝之立增重寄  
委制詔深切而亦自若也愍再蒙塵懼天下之議已  
則陽為出師之勢遷延顧望終歸辜於運餉令史以  
塞責受君父之委託而坐視其禍變因時事之艱難  
而覬幸以自利三綱淪矣故其規摹亦復不競王敦  
輩不旋踵而起也事見通鑑

西海太守張肅寔叔父也  
以京師危逼請為先

鋒擊劉曜寔以肅年老弗許肅曰狐死首邱心不忘本肅受晉寵剖符列位獨逆滔天朝廷傾覆宴安方裔難至不奮何以為人臣既而聞京師陷沒悲憤而卒元帝聞此能無愧乎

秋七月大旱蝗河汾溢

以通鑑修

解題曰按水經汾水出太原汾陽北管涔山

注十三州志曰

出武州之燕京山亦管涔之異名也

東南過晉陽縣又南過大陵縣東

注水於縣左迤為鄆澤廣雅曰水自汾出為汾陂陂南接鄆呂氏春秋謂之大理又名之曰漚夷之澤逕祈縣連延西接鄆澤是謂祈藪即爾雅所謂昭餘祈矣

又南入河東界過永安

縣西又南過平陽縣又屈從臨汾縣西流至汾陰縣

北西注于河

荀組為司徒

以本紀修

八月漢荊州刺史趙固以洛陽降李

矩

以呂祖謙標目修

九月戊寅武昌太守趙誘等攻杜曾敗死

豫章太守周訪擊曾破之

以紀傳修

冬十一月己酉朔日有

食之

以天文志修

丁卯劉琨為太尉

以本紀修

十二月戊戌漢主

聰弒帝

以本紀修

解題曰西晉四帝共五十二年

漢太子粲遣將攻洛陽趙固走

以列傳修

是歲置史官立太

學

以本  
紀修

解題曰此晉之所以即安於江左也

按列傳時方脩學校簡省博士

置周易王氏尚書鄭氏古文尚書孔氏毛詩鄭氏周  
官禮記鄭氏春秋左傳杜氏服氏論語孝經鄭氏博  
士各一人其儀禮公羊穀梁及鄭易皆省不置太常  
荀崧上疏武皇應運太學有石經古文先儒典訓賈  
馬鄭杜伏孔王何顏尹之徒置博士十九人今五經  
合九人猶宜增四鄭易鄭儀禮春秋公羊穀梁博士  
各一人

命課農功諸軍佃作即以為稟

以呂祖謙  
標目修

大事記續編卷二十七